

SŪ-SU-KÌ (7)

1 Iok-su-a sí liáu-āu, Í-sek-liát lāng m̄ng Iā-hô-hoa kóng, Chī-chui tióh choè-thâu chiūⁿ-khì ká goán kong-kek Ka-lâm lāng, kap in kau-chiàn? ²Iā-hô-hoa kóng, Iū-tāi tióh chiūⁿ-khì; khoàⁿ ah, Goá í-keng chiong hit ê toē kau tī i ê chhiú. ³Iū-tāi tui i ê hiaⁿ Se-biān kóng, Chhiáⁿ lí kap goá chiūⁿ-khì kau goá só· liam-tióh ê toē, kap Ka-lâm lāng kau-chiàn; goá iā beh kap lí khì, kàu lí só· liam-tióh ê toē; Se-biān chiū kap i khì. ⁴Iū-tāi chiū chiūⁿ-khì; Iā-hô-hoa chiong Ka-lâm lāng, kap Pí-lī-sé lāng, kau tī in ê chhiú; ⁵in tī Pí-sek phah-sí in chit-bān lāng; koh tī Pí-sek tú-tióh A-to-nī-pí-sek, kap i kau-chiàn; thài-iāⁿ Ka-lâm lāng kap Pí-lī-sé lāng. ⁶A-to-nī-pí-sek tô-cháu, in tui-jip i, liāh-tióh i, chhò-tng i ê chhiú i ê kha ê toā-pō·bú. ⁷A-to-nī-pí-sek kóng, Chēng ū chhit-cháp ê ông, chhiú kap kha ê toā-pō·bú lóng chhò-khí-lai, tī goá ê toh-kha khioh chiāh-mih; taⁿ Siōng-tè chiàu goá só·-kiāⁿ-ê pò-èng goá. In toà i kàu Iā-lō·sat-léng; i chiū sí tī-hia.

⁸Iū-tāi lāng kong-kek Iā-lō·sat-léng, chhú i, ēng to thài-sí in, koh pàng-hé sio siāⁿ; ⁹āu-lai Iū-tāi lāng lōh-khì, kap tiām tī soaⁿ-toē, lām--sì ê toē, pīⁿ-iūⁿ ê toē ê Ka-lâm lāng kau-chiàn. ¹⁰Iū-tāi koh khì, phah hiah ê khiā-khí Hi-pek-lūn ê Ka-lâm lāng, thài-sí Sī-su, A-hi-bān, That-mái; Hi-pek-lūn chēng miā kiò Ki-liát-a-pa.

¹¹I tui-hia khì phah Tí-phēk khiā-khí ê peh-sìⁿ; ¹²Tí-phēk chēng miā kiò Ki-liát-se-hut. Ka-lék kóng, Nā ū lāng phah Ki-liát-se-hut lai chhú i, goá beh chiong goá ê cha-bó·-kiáⁿ Ap-sat hō· i choè-bó·. ¹³Ka-lék ê sió-tī Ki-láp-su ê kiáⁿ Gô-tô-liap chhú i; i chiū chiong i ê cha-bó·-kiáⁿ Ap-sat hō· i choè-bó·. ¹⁴Ap-sat kè-m̄ng ê sí khng tiōng-hu tui in lâu-pē thó chit khu chhân; Ap-sat tui lū lōh--lai; Ka-lék m̄ng i kóng, Lí beh sím-mih ah? ¹⁵I tui i kóng, Kiū lí sù-hok goá; lí í-keng an-tì goá tī lām-hng ê toē, kiū lí hō· goá chúi-choāⁿ. Ka-lék chiū ēng téng ê chúi-choāⁿ, ē ê chúi-choāⁿ, hō· i.

¹⁶Mô·se ê goā-chhek sī Ki-nī lāng, i ê kiáⁿ-sun kap Iū-tāi ê kiáⁿ-sun tui chó-chhiū siāⁿ saⁿ-kap chiūⁿ--khì, kàu A-láh-tek lām--sì Iū-tāi ê khòng-iá, kap peh-sìⁿ saⁿ-kap khiā-khí. ¹⁷Iū-tāi kap i ê hiaⁿ Se-biān saⁿ-kap khì, phah-sí khiā-khí tī Sé-hoat ê Ka-lâm lāng, it-chīn hui-biát i; hit ê siāⁿ chiū miā kiò Hô-jīⁿ-má. ¹⁸Iū-tāi koh chhú Ka-sat kap i ê keng-kài, A-sít-kī-lūn kap i ê keng-kài, Í-kek-lūn kap i ê keng-kài. ¹⁹Iā-hô-hoa kap Iū-tāi saⁿ-kap tī-teh; i chiū koáⁿ-chhut soaⁿ-toē khiā-khí ê peh-sìⁿ; chóng-sī boē-oē koáⁿ-chhut pīⁿ-iūⁿ khiā-khí ê peh-sìⁿ, in-ūi in ū thih-chhia. ²⁰In chiàu Mô·se só· kóng ê, ēng Hi-pek-lūn hō· Ka-ték, i chiū tui-hia koáⁿ-chhut A-láp saⁿ ê kiáⁿ. ²¹Piān-ngá-bín lāng bô koáⁿ-chhut khiā-

khí tī Iā-lō·sat-léng ê Iā-pò·su lāng; Iā-pò·su lāng iū-goân tī Iā-lō·sat-léng kap Piān-ngá·bín lāng saⁿ-kap khiā-khí, kàu kin-á-jit.

²²Iok-sek ke iā chiūⁿ-khì kong-kek Pek-ték-lī; Iā-hô-hoa kap in saⁿ-kap tī-teh. ²³Iok-sek ke chhe lāng khi thau-khoàⁿ Pek-ték-lī; hit ê siāⁿ thau-seng miā kiò Lō·su. ²⁴Chòe cheng-thām-ê khoàⁿ-kìⁿ chit-lāng tùi siāⁿ-lāi chhut-lāi, chiū tùi i kóng, Kiū lí ēng jip siāⁿ ê lō· pò goán chai, goán beh hó khoán-thāi lí. ²⁵Hit-lāng chiū pò in jip siāⁿ ê lô·, in chiū ēng to phah-sí siāⁿ-lāi ê peh-sìⁿ; tók-tók pàng hit-lāng kap i choân-ke khi. ²⁶Hit-lāng khi Hek lāng ê toē, khí chit chō siāⁿ, hō miā kiò Lō·su; kàu kin-á-jit iáu kiò chit ê miā.

²⁷Má-ná-se iā bô koáⁿ-chhut Pek-siān kap i ê huiⁿ-siā ê peh-sìⁿ, Tha-láp kap i ê huiⁿ-siā ê peh-sìⁿ, To-jí^m kap i ê huiⁿ-siā ê peh-sìⁿ, Í-pek-liân kap i ê huiⁿ-siā ê peh-sìⁿ, Bí-kiat-to kap i ê huiⁿ-siā ê peh-sìⁿ; Ka-lâm lāng chiū koat-ì khiā-khí tī hiah ê toē-hng. ²⁸Kàu Í-sek-liát kiông-sēng, chiū hō· Ka-lâm lāng choè khó·kang, bô it-chīn koáⁿ in chhut.

²⁹Í-hoat-liân iā bô koáⁿ-chhut khiā-khí tī Ki-sek ê Ka-lâm lāng; Ka-lâm lāng chiū tī in tiông-kan iū-goân khiā-khí tī Ki-sek.

³⁰Se-pò·lūn iā bô koáⁿ-chhut Ki-lūn ê peh-sìⁿ, kap Ná-hap-láh ê peh-sìⁿ. Ka-lâm lāng chiū iū-goân khiā-khí tī in tiông-kan, lâi choè khó·kang.

³¹A-siat iā bô koáⁿ-chhut A-kho khiā-khí ê peh-sìⁿ, kap Se-tùn, A-hek-láh, A-kek-sek, Hek-pa, A-hut-kek, Lī-háp khiā-khí ê peh-sìⁿ.

³²A-sait lāng toà tī khiā-khí hit só·chāi Ka-lâm lāng ê tiông-kan, in-ūi bô koáⁿ in chhut-khi.

³³Ná-hut-tha-lī bô koáⁿ-chhut Pek-sī-bék khiā-khí ê peh-sìⁿ, Pek-a-láp khiā-khí ê peh-

sìⁿ; Ná-hut-tha-lī chiū toà tī khiā-khí hit só·chāi Ka-lâm lāng ê tiông-kan; chóng-sī Pek-sī-bék kap Pek-a-láp khiā-khí ê peh-sìⁿ lóng choè khó·kang.

³⁴A-mô·-lī lāng kiông-pek Tàn ê lāng khiā-khí tī soaⁿ-toē, bô iông-ún in lóh-khi pīⁿ-iūⁿ.

³⁵A-mô·-lī lāng chiū koat-ì khiā-khí tī Hi-liát soaⁿ, tī A-ngá-lūn, tī Sa-pin; āu-lāi Iok-sek-ke kiông-sēng, hō· in choè khó·kang. ³⁶A-mô·-lī lāng ê toē-kài, sī tùi A-khek-láh-pin soaⁿ-phiāⁿ, tùi Se-láh chiūⁿ--khi.

2 Iā-hô-hoa ê sù-chiá tùi Kiat-kah chiūⁿ kàu Pho-kim, kóng, Goá hō· lín tùi Ai-kíp chiūⁿ-lāi, chhoā lín kàu Goá tùi lín liát-chó· chiū-choā ê toē; Goá iā bat kóng, só· kap lín lip ê iok, Goá éng-oán bô ūi-poē; ²lín iā m-thang kap chit só·chāi khiā-khí ê peh-sìⁿ lip-iok; tiòh thiah-húi in ê toāⁿ. Lín keng-jian m thiaⁿ Goá ê oē, sī cháiⁿ-iūⁿ án-ni kiāⁿ ah? ³In-ūi án-ni Goá koh kóng, Goá bô beh tùi lín ê bīn-chēng koáⁿ-chhut in, in beh choè lín hiáp-ē ê chhi, in ê siōng-tè beh choè hāi lín ê lô-bāng. ⁴Iā-hô-hoa ê sù-chiá tùi Í-sek-liát cheng-lāng kóng chiaⁿ ê oē ê sí, peh-sìⁿ chiū khui-siaⁿ thī-khàu; ⁵chiū hō hit só·chāi ê miā kiò Pho-kim; in tī-hia hiàn-chē hō· Iā-hô-hoa.

⁶Iok-su-a í-keng chhe Í-sek-liát lāng khi ê sí, in ták-lāng kui in ê giáp, lâi tit-tiòh in ê toē.

⁷Iok-su-a tī-teh ê jit, kap Iok-su-a sí liáu-āu hiah ê khoàⁿ-kìⁿ Iā-hô-hoa ūi Í-sek-liát lāng só· kiāⁿ toā-sū ê tióng-ló iáu tī-teh ê sí, peh-sìⁿ hók-sāi Iā-hô-hoa. ⁸Iā-hô-hoa ê lô·pók, Lūn ê kiáⁿ Iok-su-a, chit-pah it-cháp hē, chiū sí. ⁹In chiū bài-chòng i tī i ê giáp ê kài-lāi, chiū-sī tī Í-hoat-liân soaⁿ-toē ê Tēng-ná-hi-liát, tī Ka-sít soaⁿ ê pak--sì. ¹⁰Hit-tāi ê lāng lóng tò-chó·; í-āu koh chit-tāi ê lāng heng-khí, m-chai Iā-hô-hoa, iā m-chai ūi Í-sek-liát lāng

só· kiâⁿ ê sū.

¹¹Í-sek-liát lāng kiâⁿ Iâ-hô-hoa khoàⁿ-choè pháiⁿ ê sū, khi hók-sāi Pa-lék; ¹²khi-sak in liát-chó· ê Siōng-tè Iâ-hô-hoa, chiū-sī chhoā in chhut Ai-kíp toē ê; khi tè pát ê siōng-tè, chiū-sī sî-ûi hiah ê peh-sîⁿ ê siōng-tè kûi-pài in, lâi jiá Iâ-hô-hoa ê toā siū-khi. ¹³In iā khi-sak Iâ-hô-hoa, khi hók-sāi Pa-lék kap A-su-tha-liók. ¹⁴Iâ-hô-hoa siū-khi Í-sek-liát ê lāng, chiong in kau tī chhiúⁿ-liáh in ê lāng ê chhiú, in chiū chhiúⁿ in; I koh boē in hō· sî-ûi tui-ték ê chhiú; tì-kàu in tī in ê tui-ték ê thâu-chêng bô koh khiā-oē-tiâu; ¹⁵in bô-lūn khi toh-lóh, Iâ-hô-hoa chhun-chhiú kàng chai-ē hō· in, chiàu Iâ-hô-hoa só· kóng ê oē, koh chiàu Iâ-hô-hoa tui in só· chiū-choā ê; in chiū kék khùn-khó·.

¹⁶Iâ-hô-hoa chiū heng-khi sū-su; in chiū kiū peh-sîⁿ thoat-lī chhiúⁿ-liáh in ê lāng ê chhiú. ¹⁷Chóng-sī in bô thiaⁿ-thàn in ê sū-su, keng-jian kiâⁿ siā-îm, tè pát ê siōng-tè lâi kûi-pài in; in ê liát-chó· thàn Iâ-hô-hoa ê bēng-lēng só· kiâⁿ ê lō·, in kín-kín oai-chhoáh i, bô chiàu án-ni kiâⁿ. ¹⁸Iâ-hô-hoa kâ in heng-khi sū-su ê sī, Iâ-hô-hoa chiū kap sū-su tī-teh; iā tī sū-su oáh tī-teh it-chhè ê jít, kiū in thoat-lī tui-ték ê chhiú; in in-ûi siū ap-chè khó·-chhó·, chiū thó·-khui, só·-í Iâ-hô-hoa chiū thè-hoé. ¹⁹Kàu sū-su sí-liáu, in chiū oát-túg khi kiâⁿ, pí in ê pē-kong koh khah-pháiⁿ, tè pát ê siōng-tè lâi hók-sāi in, kûi-pài in, lóng bô koé in ê só·-kiâⁿ kap in kò·-chip ê lō·. ²⁰Iâ-hô-hoa chiū siū-khi Í-sek-liát lāng, kóng, In-ûi chit ê peh-sîⁿ ûi-poē Goá ê iok, chiū-sī Goá só· bēng-lēng in ê liát-chó· ê, iā bô thiaⁿ-thàn Goá ê oē; ²¹só·-í Iok-su-a sí ê sī só· chhun ê ták-chók, í-āu Goá bô beh koh tī in ê bīn-chêng koáⁿ-chhut chit-chók; ²²thang ēng chiaⁿ-ê lâi chhi-giām Í-sek-liát lāng, khoàⁿ in khéng chip-siú Iâ-hô-hoa

ê tō-lō· lâi kiâⁿ i, chhin-chhiūⁿ in ê liát-chó· bat siú i, á-bô. ²³Só·-í Iâ-hô-hoa lâu chiaⁿ ê chók, bô kín-kín koáⁿ in chhut, iā bô chiong in kau tī Iok-su-a ê chhiú.

3 Iâ-hô-hoa só· lâu chiaⁿ ê chók, sī beh ēng i lâi chhi-giām Í-sek-liát lāng, chiū-sī hiah-ê m̄-bat kìⁿ-kè Ka-lâm kau-chiàn ê sū ê; ²tiâu-tī beh hō· Í-sek-liát āu-tāi ê lāng chai, lâi kà-sī in kau-chiàn, chiū-sī hiah-ê chêng só· bē bat keng-kè ê lāng. ³Só· lâu-teh hiah ê chók, chiū-sī Hui-lī-sū gō· ê siú-léng, kap it-chhè ê Ka-lâm lāng, Se-tùn lāng, kap khiā-khi Lī-pa-lūn soaⁿ ê Hi-bī lāng, tui Pa-lék-hek-būn soaⁿ, kàu Hap-má káu; ⁴che chiū-sī beh ēng in lâi chhi-giām Í-sek-liát lāng, khoàⁿ in khéng thiaⁿ-thàn Iâ-hô-hoa thok Mô·se só· bēng-lēng in liát-chó· ê kài-bēng á-bô. ⁵Tui án-ni Í-sek-liát lāng khiā-khi tī Ka-lâm lāng, Hek lāng, A-mô·lī lāng, Pí-lī-sé lāng, Hi-bī lāng, Iâ-pò·-su lāng ê tióng-kan; chhoā in ê cha-bó·-kiáⁿ choē-bó·; iā ēng cha-bó·-kiáⁿ kè in ê kiáⁿ, ⁶soà hók-sāi in hiah ê siōng-tè.

⁷Í-sek-liát lāng kiâⁿ Iâ-hô-hoa só· khoàⁿ-choè pháiⁿ ê sū, boē-kì-tit Iâ-hô-hoa in ê Siōng-tè, khi hók-sāi chiaⁿ ê Pa-lék kap A-su-tha-liók. ⁸Só·-í Iâ-hô-hoa siū-khi Í-sek-liát lāng, boē in hō· Bí-só·-pho-tāi-bí ông Kó·san-lī-sat-tiān ê chhiú; Í-sek-liát lāng hók-sāi Kó·san-lī-sat-tiān poeh in. ⁹Í-sek-liát lāng kiū-kiò Iâ-hô-hoa ê sī, Iâ-hô-hoa chiū kâ Í-sek-liát lāng heng-khi chit ê chín-kiū--ê kiū in; chiū-sī Ka-lék ê sió-tī Ki-láp-su ê kiáⁿ Gô-tô-liap. ¹⁰Iâ-hô-hoa ê Sín līm-kàu i, i chiū choē Í-sek-liát ê sū-su, chhut-khi kau-chiàn. Iâ-hô-hoa chiong Bí-só·-pho-tāi-bí ông Kó·san-lī-sat-tiān kau tī i ê chhiú, i chiū khah-iāⁿ Kó·san-lī-sat-tiān. ¹¹Tui án-ni hit ê toē-hng thài-pēng sì-cháp nī. Ki-láp-su ê kiáⁿ Gô-tô-

liap sí.

¹²Í-sek-liát lāng koh kiāⁿ Iā-hô-hoa só· khoàⁿ-choè pháiⁿ ê sū; Iā-hô-hoa chiū hō· Mô·ap ông I-ki-lūn kiōng-sēng, kong-kek Í-sek-liát lāng; in-ūi in kiāⁿ Iā-hô-hoa só· khoàⁿ-choè pháiⁿ-ê. ¹³I-ki-lūn chū-chíp A-būn lāng kap A-má-lèk lāng oá i, khi phah Í-sek-liát lāng, chiām chó-chhiū ê siāⁿ. ¹⁴Tùi án-ni Í-sek-liát lāng hók-sāi Mô·ap ông I-ki-lūn chấp-poeh nī.

¹⁵Í-sek-liát lāng kiū-kiò Iā-hô-hoa ê sí, Iā-hô-hoa chiū kā in heng-khí chít ê chín-kiū--ê; chiū-sī Piān-ngá-bín lāng Ki-láh ê kiáⁿ Í-hut; i sī koàn-liān ēng tò-chhiú-ê; Í-sek-liát lāng thok-tiōng i sàng lé-mih hō· Mô·ap ông I-ki-lūn. ¹⁶Í-hut ūi ka-kī phah chít-ki siang-bīn lāi ê kiām, tng chít-tiú, pāk tī chiāⁿ-thúi i-hók ê lāi-bīn. ¹⁷I ēng lé-mih hiān-hō· Mô·ap ông I-ki-lūn; I-ki-lūn sī chín pui ê lāng. ¹⁸Hiān lé-mih í-keng bēng-pék, chiū chhe toà lé-mih ê lāng lóng khi. ¹⁹I pún-sin tui kūn Kiat-kah phah chiōh-siōng ê só·chāi oat-tò-túg lāi, kóng, Ông ah, goá ū pì-bít ê sū beh kā lí kóng; ông kóng, Sok-chēng; khiā tī i sin-piⁿ ê lāng chiū lóng thè-chhut. ²⁰Í-hut chiū-kūn i, ông ka-kī chít-ê chē tī liāng-léng ê lâu-téng; Í-hut kóng, Goá hōng Siōng-tè ê bēng-lēng ū tãi-chì lāi pò lí; ông chiū tui chō-ūi khiā khí-lāi. ²¹Í-hut chiū chhun tò-chhiú, tui chiāⁿ-thúi puih-chhut kiām, chhi-jíp ông ê pak-tó; ²²kiām ê pìⁿ iā soà jíp-khi, kiām hō· iū kā tiāu, in-ūi i bô tui i ê pak-tó· puih kiām chhut-lāi; chiū thàng-kè ka-chiah chhut-lāi. ²³Í-hut chiū chhut-khi kàu léng-lōng, chiong hiah ê lâu-mng koaiⁿ-só. ²⁴I chhut-khi liáu, ông ê lô·pók kàu, khoàⁿ-kìⁿ lâu-mng koaiⁿ-só, chiū kóng, I tek-khak sī tī lâu-téng teh tãi-piān. ²⁵In theng-hāu kàu gōng-ngiáh, khoàⁿ-kìⁿ i bô

khui lâu-téng ê mng, chiū kiáh só-sī lāi khui; khoàⁿ ah, in ê chú-lāng í-keng sí, tó tī toē--nih. ²⁶In iān-chhiān ê sí, Í-hut chiū tô-cháu, í-keng kè phah chiōh-siōng ê toē, siām cháu kàu Se-i-láh. ²⁷Í-keng kàu, chiū tī Í-hoat-liān soaⁿ-toē pūn sàu-kak; Í-sek-liát lāng chiū tè i tui soaⁿ-toē lóh--khi, i kiāⁿ tī thau-chēng; tui in kóng, Lín tè goá lāi, in-ūi Iā-hô-hoa í-keng chiong lín ê tui-ték Mô·ap lāng kau tī lín ê chhiú. In chiū tè i lóh--khi, pé-siú Mô·ap ê tui-bīn, Iok-tàn hō ê tō·thau, bô iōng-ún chít-lāng kè-khi; ²⁹hit-sī thau-sí Mô·ap lāng iok-liók chít-bān, lóng sī toā-hàn ê iōng-sū, bô chít-ê cháu-lī. ³⁰Tui án-ni Mô·ap chiū khut-hók tī Í-sek-liát lāng; toē-hng thài-pēng poeh-cháp nī.

³¹Í-hut liáu-āu, ū A-ná ê kiáⁿ San-ka, i ēng koáⁿ-gū ê thih-chhi phah-sí lāk-pah ê Hui-lī-sū lāng. I iā kiū Í-sek-liát lāng.

4 Í-hut sí-liáu, Í-sek-liát lāng koh kiāⁿ Iā-hô-hoa só· khoàⁿ-choè pháiⁿ ê sū. ²Iā-hô-hoa boē in tī Ka-lām ông Iā-pin ê chhiú, chiū-sī tī Hā-só choè-ōng-ê; i ê kun-tiúⁿ sī Se-se-láh, i khiā-khi tī goā-pang lāng ê Hā-lô-siat. ³Iā-pin ông ū thih-chhia káu-pah tiuⁿ; i toā-toā khi-ap Í-sek-liát lāng jī-cháp nī; Í-sek-liát lāng chiū kiū-kiò Iā-hô-hoa.

⁴Hit-sī ū chít ê lú sian-ti miā kiò Tí-pho-láh, sī Láh-pí-to ê bó·, i choè Í-sek-liát ê sū-su. ⁵I khiā-khi tī Í-hoat-liān soaⁿ-toē, Láh-má kap Pek-ték-lī ê tiong-kan, tī Tí-pho-láh ê chó-chhiū-kha; Í-sek-liát lāng lóng chiūⁿ-khi i hia, siū i phoàⁿ-toàn. ⁶I chhe lāng kiò A-pí-lô-am ê kiáⁿ Pa-láh tui Ná-hut-tha-lī ê Ki-te-su lāi, tui i kóng, Iā-hô-hoa Í-sek-liát ê Siōng-tè kiám-m̄-sī bēng-lēng kóng, Lí tiōh khi Tha-pók soaⁿ, chhoā Ná-hut-tha-lī kap Se-pò-lūn lāng chít-bān kap lí khi? ⁷Goá beh hō· Iā-pin

ê kun-tiúⁿ Se-se-láh kap i ê chhia, i ê choân-kun, kàu Ki-sūn hô lí hia; Goá beh chiong i kau tī lí ê chhiú. ⁸Pa-láh kā i kóng, Lí nā kap goá khi, goá chiū beh khi; lí nā m̄ kap goá khi, goá chiū m̄ khi. ⁹I kóng, Goá tek-khak beh kap lí khi; chóng-sī lí tī só· kiāⁿ ê lō; boē tit-tiōh êng-hián; in-ūi Iâ-hô-hoa beh boē Se-se-láh tī hū-jîn-lâng ê chhiú. Tí-pho-láh chiū khí-lâi, kap Pa-láh saⁿ-kap khi Ki-te-su. ¹⁰Pa-láh chiū chio-chíp Se-pò·lún lâng kap Ná-hut-tha-lī lâng kàu Ki-te-su; tē i chiūⁿ-khi-ê ū chít-bān lâng. Tí-pho-láh iā kap i chiūⁿ-khi.

¹¹Ki-ni lâng Hi-pek bat lī-khui Ki-ni lâng, chiū-sī Mô·se ê goā-chhek Hô-pa ê hō·-è; chiū tah pò·pīⁿ tī Sat-ná-im ê siōng-chhiū-pīⁿ, chiū-sī oá-kūn Ki-te-su ê.

¹²Ū lâng kā Se-se-láh kóng, A-pí-lô-am ê kiáⁿ Pa-láh í-keng chiūⁿ-khi Tha-pók soaⁿ. ¹³Se-se-láh chiū chū-chíp i lóng-chóng ê chhia, chiū-sī thih-chhia káu-pah tiuⁿ, kap tē i ê choân-kun, tui goā-pang ê Hā-lô-siat, kàu Ki-sūn hô. ¹⁴Tí-pho-láh tui Pa-láh kóng, Khí-lâi, kin-á-jit chiū-sī Iâ-hô-hoa chiong Se-se-láh kau tī lí ê chhiú ê jit; Iâ-hô-hoa kiám bô tī lí ê thâu-chêng kiáⁿ mah? Tui án-ni Pa-láh tui Tha-pók soaⁿ lóh-lâi; tē i ê ū chít-bān lâng. ¹⁵Iâ-hô-hoa ēng to phah-loān Se-se-láh kap i só· ū ê chhia, i ê choân-kun, tī Pa-láh ê bīn-chêng; Se-se-láh lóh-chhia pō·kiáⁿ tô-cháu. ¹⁶Chóng-sī Pa-láh tui-jip hiah ê chhia kap kun-tui, kàu goā-pang ê Hā-lô-siat; Se-se-láh ê choân-kun lóng tó tī to-ē, bô lâu chít ê lâng.

¹⁷Chí-ū Se-se-láh pō·kiáⁿ tô-cháu, kàu Ki-ni lâng Hi-pek ê bó· Ngá-ek ê pò·pīⁿ; in-ūi Hā-só ông Iâ-pin kap Ki-ni lâng Hi-pek ê ke hô-hó. ¹⁸Ngá-ek chhut-lâi ngiā-chih Se-

se-láh, kā i kóng, Goá ê chú ah, oat--jlp-lâi, chhiáⁿ lí oat-jlp goá chia, m̄-bián kiaⁿ; Se-se-láh chiū oat-jlp i ê pò·pīⁿ. Ngá-ek chiū ēng thán-á kā i kah--teh. ¹⁹Se-se-láh kā i kóng, Goá chhui-ta, chhiáⁿ lí ēng tām-pòh chúi hō· goá lim; i chiū khui toé lin ê phê-tē hō· i lim; iū-goān kā i kah--teh. ²⁰Se-se-láh koh kā i kóng, Lí khiā tī pò·pīⁿ m̄ng, nā ū lâng lâi m̄ng lí kóng, Ū lâng tī lí chia bô? lí chiū kā i kóng, Bô. ²¹Se-se-láh iā-siān khùn lóh-bīn; Hi-pek ê bó· Ngá-ek thêh pò·pīⁿ ê teng, chhiú kiáh thui-á, liam-liam-á kiāⁿ kàu i hia, ēng teng tui i ê pìn-pīⁿ tēng-jlp, thau-kè thô-kha; i chiū sí. ²²Hit-sī Pa-láh tui-jip Se-se-láh, Ngá-ek chhut-lâi ngiā-chih i kā i kóng, Lâi ah, goá ēng lí só· chhē ê lâng hō· lí khoàⁿ; i chiū jlp-khi, khoàⁿ ah, Se-se-láh í-keng sí, tó-teh, teng iáu-kú tī i ê pìn-pīⁿ.

²³Án-ni hí chít-jit, Siōng-tē hō· Ka-lâm ông Iâ-pin khut-hók tī Í-sek-liát lâng ê bīn-chêng. ²⁴Tui án-ni Í-sek-liát lâng it-hoat ū sè-lék, khah-iāⁿ Ka-lâm ông Iâ-pin, kàu it-chīn biát Ka-lâm ông Iâ-pin.

5 Hit-jit Tí-pho-láh kap A-pí-lô-am ê kiáⁿ Pa-láh chhiūⁿ-koa kóng:

²In-ūi Í-sek-liát tióng choè-thâu-ê, choè-thâu chhoā in,

In-ūi peh-siⁿ kam-goān hi-seng,
Lín tiōh o-ló Iâ-hô-hoa.

³Liát-ông ah, tiōh thiaⁿ, chiaⁿ ê siú-léng tiōh àⁿ hī-khang;

Goá òng Iâ-hô-hoa, goá beh gīm-si;

Goá beh chhiūⁿ-koa o-ló Iâ-hô-hoa Í-sek-liát ê Siōng-tē.

⁴Iâ-hô-hoa ah, Lí tui Se-jíⁿ chhut,

Tui Í-tong toē kiāⁿ--lâi;

Hit-sī toē tín-tāng, thiⁿ teh tih;

Hūn iā tih chúi.

⁵Chiah ê soaⁿ tī Iâ-hô-hoa ê bîn-chêng iô-choah,

Chiū-sī chit ê Se-nái soaⁿ tī Iâ-hô-hoa Í-sek-liát Siōng-tè ê bîn-chêng iô-choah.

⁶Tī A-ná ê kiáⁿ San-ka ê sī,

Koh tī Ngá-ek ê jít, toā-lō· bô lāng kiáⁿ;

Kiâⁿ-lō· ê lāng lóng sī oan sió-lō·.

⁷Í-sek-liát tiong bô thâu-lāng, lóng-chóng bô,

Kàu goá Tī-pho-láh khí-lái,

Kàu goá khí-lái tī Í-sek-liát tiong choè lâu-bú.

⁸In kéng sin ê siōng-tè,

Kau-chiàn chiū kàu in ê siâⁿ-mng.

Hit-sī Í-sek-liát sì-bān lāng ê tiong-kan,

Kiám oē khoàⁿ-kìⁿ tân-pâi kap chhiuⁿ mah?

⁹Goá ê sim ì-hiòng Í-sek-liát hiah ê siat-líp lút-hoat-ê,

Peh-sìⁿ-tiong kam-goān hi-seng-ê;

Lín tiòh o-ló Iâ-hô-hoa.

¹⁰Khiâ pèh-lū ê,

Chē siù-hoe thán-á ê,

Kiâⁿ-lō· ê, lín lóng tiòh pò-iông.

¹¹Tī chhiūⁿ-chúi ê só·-chāi, lī-khui siā-chìⁿ ê lāng ê siaⁿ hng-hng,

Tī-hia lāng beh kóng-khí Iâ-hô-hoa kong-gī ê só·-kiáⁿ,

Chiū-sī I tī-lí Í-sek-liát kong-gī ê só· kiáⁿ.

Hit-sī Iâ-hô-hoa ê peh-sìⁿ lóh-khì kàu siâⁿ-mng.

¹²Tí-pho-láh ah, chíⁿ ah, chíⁿ ah,

Lí tiòh chíⁿ, tiòh chíⁿ, lái chhiūⁿ-koa;

Pa-láh ah, lí tiòh khí-lái, A-pí-lô-am ê kiáⁿ, tiòh liáh lí só· liáh ê khì.

¹³Hit-sī só· chhun ê kùì-chók, kap peh-sìⁿ saⁿ-kap lóh-lái,

Iâ-hô-hoa tui goá līm-kàu, kong-kek íong-sū.

¹⁴Ū tui Í-hoat-liân lái-ê, i ê kun-pún tī A-má-lék;

Piān-ngá-bín chham tī lí ê peh-sìⁿ-tiong kun-tè lí,

Ū siat lút-hoat--ê, tui Má-kiat lóh-lái;

Ū kiáh-koáiⁿ tiám-sng peh-sìⁿ ê siâu-liân--ê, tui Se-pò·-lún lóh-lái.

¹⁵Í-sat-ka ê siú-léng, kap Tí-pho-láh saⁿ-kap lái,

Í-sat-ka kap Pa-láh chit-iūⁿ,

In tè i cháu-lóh pīⁿ-iūⁿ;

Tī Liū-piān ê khoe-piⁿ,

Sim ū toā-toā chim-chiok gī-lūn.

¹⁶Lí siáⁿ-sū chē tī iūⁿ-tiâu ê tiong-ng,

Thiaⁿ kiò iūⁿ-kūn ê siaⁿ ah?

¹⁷Ki-liát khiā-khí tī Iok-tàn hit-pêng;

Tàn siáⁿ-sū theng tī chūn-nih?

A-siat chēng-chēng chē tī hái-piⁿ,

Tiām tī káng-lái.

¹⁸Se-pò·-lún sī piāⁿ-miā phe-sí ê peh-sìⁿ;

Kap Ná-hut-tha-lī tī chhân-ia koáiⁿ ê só·-chāi, iā sī án-ni.

¹⁹Liát-ông lái kau-chiàn;

Hit-sī Ka-lâm liát-ông tī Bí-kiat-to chúⁿ-piⁿ ê Tha-láh kau-chiàn,

Chóng-sī bô chhiūⁿ-tiòh gūn.

²⁰Ū tui thiⁿ kau-chiàn ê,

Chhiⁿ-sīm tui in ê khúⁿ-tō lái kap Se-se-láh kau-chiàn.

²¹Ki-sūn hô kā in lâu--khì,

Ki-sūn hô chiū-sī kó·-chá ê hô.

Goá ê sīm ah, lí hùn-íong chìn-chêng khì.

²²Bé-toē khók-khók háu, sī in-úi kín-kín cháu,

Chiū-sī lát--ê ū kín-kín cháu.

²³Iâ-hô-hoa ê sù-chiá kóng, Tiòh chiū-chó· Bí-lô-su,

Toā-toā chiù-chó· kî-tiong khiā-khí ê peh-sìⁿ,

In-ūi in bô lâi pang-chān Iâ-hô-hoa,
Bô lâi pang-chān Iâ-hô-hoa tí-tèk íóng-sū.

²⁴Ki-nî lâng Hi-pek ê bó· Ngá-ek,

Pí hiah ê hū-jîn-lâng khah ū hok-khì,

Pí khiā-khí pò·-pîⁿ-lâi ê hū-jîn-lâng khah ū hok-khì.

²⁵Se-se-láh thó chúì, i chiū ēng lín hō· i,

Ēng pó-poè ê poāⁿ phāng gū-lín-iū hō· i.

²⁶Ngá-ek chhun-chhiú kiáh teng,

Chiāⁿ-chhiú kiáh choè-kang-lâng ê thui-á,

Ēng thui kòng Se-se-láh, têng-kè i ê thau-khak,

Chhák lâi thau-kè i ê pìn-piⁿ.

²⁷Tī i ê kha ê tiong-kan, Se-se-láh phak--lòh-khì,

Chhih--lòh-khì, tó-teh,

Tī i ê kha ê tiong-kan phak--lòh, chhih--lòh-khì;

Tī só· phak--lòh ê só·-chāi, chhih--lòh-khì lâi sí.

²⁸Se-se-láh ê lâu-bú tui thang-á khoàⁿ--chhut-khì,

Tui thang-á-chí--nih kiò kóng,

Cháiⁿ-iūⁿ i ê chhia bān-bān lâi?

Cháiⁿ-iūⁿ i ê chhia-lūn hiah iân-chhiân ah?

²⁹Kun-sūi i chhang-miā chun-kui ê hū-lú in i,

I iā ka-kī in kóng,

³⁰Kiám bô só· tit-tiòh mah? kiám bô pun só·-chhiúⁿ ê mih mah?

Ták-lâng pun chit nng ê cha-bó·-gín-ná;

Se-se-láh chiū pun só· chhiúⁿ chhái-sek ê saⁿ,

Só· chhiúⁿ siù-hoe chhái-sek ê saⁿ,

Nng-bīn lóng sī chhái-sek siù-hoe ê, thang koà tī ām-kún, choè só· chhiúⁿ ê mih.

³¹Iâ-hô-hoa ah, goān Lí ê tui-tèk lóng chhin-chhiūⁿ án-ni biát-bô;

Goān thiàⁿ I ê lâng chhin-chhiūⁿ jít-chhut kng-nà-nà.

Í-āu toē-hng thài-pêng sì-cháp nî.

6 Í-sek-liát lâng koh kiāⁿ Iâ-hô-hoa só· khoàⁿ-choè pháiⁿ ê sū, Iâ-hô-hoa chiū kau in tī Bí-tiân ê chhiú, lèk-kè chhit-nî. ²Bí-tiân ê chhiú ap-chè Í-sek-liát lâng; Í-sek-liát lâng ūi-tiòh Bí-tiân lâng ê iân-kò·, chiū ūi ka-lī tī soaⁿ--nih khui hiát kap tōng, kap hiám-iàu ê só·-chāi. ³Í-sek-liát lâng iā-chéng liáu-āu, Bí-tiân lâng, A-má-lèk lâng, kap tang-hng ê lâng, lóng chiūⁿ-lâi kong-kek in; ⁴Chat-iāⁿ tī in ê tui-bīn, phah-pháiⁿ hit só·-chāi ê thó·-sán, kàu Ka-sat, bô lâu chiáh-mih hō· Í-sek-liát lâng, iūⁿ kap gū kap lú iā bô. ⁵In-ūi in toà cheng-siⁿ kap pò·-pîⁿ chiūⁿ-lâi, chhin-chhiūⁿ chháu-meh hiah-choē lâi, lâng kap lòk-tô sng-boē-liáu; in jip chit ê toē-hng beh phah-pháiⁿ i. ⁶Í-sek-liát lâng in-ūi Bí-tiân lâng ê iân-kò·, khùn-khó· kàu-kék; Í-sek-liát lâng chiū kiū-kiò Iâ-hô-hoa.

⁷Í-sek-liát lâng in-ūi Bí-tiân lâng ê iân-kò· kiū-kiò Iâ-hô-hoa ê sī, ⁸Iâ-hô-hoa chiū chhe sian-ti kàu Í-sek-liát lâng hia, tui in kóng, Iâ-hô-hoa Í-sek-liát ê Siōng-tè án-ni kóng, Goá bat chhoā lín tui Ai-kíp chiūⁿ-lâi, tui choè lô·-chāi ê ke chhut-lâi; ⁹Goá iā kiū lín thoat-lī Ai-kíp lâng ê chhiú, iā thoat-lī it-chhè ap-chè lín ê lâng ê chhiú, tui lín ê bīn-chêng koáⁿ in chhut, ēng in ê toē hō· lín; ¹⁰Goá iā tui lín kóng, Goá sī Iâ-hô-hoa lín ê Siōng-tè, lín khiā-khí A-mō·-lī lâng ê toē, m̄-thang kiaⁿ in ê siōng-tè; chóng-sī lín m̄-thiaⁿ Goá ê oē.

¹¹Iâ-hô-hoa ê sù-chiá kàu Gô-hut-láh, chē tī A-pí-í-siā chók ê lâng Iok-a-si ê siōng-chhiū-kha; Iok-a-si ê kiáⁿ Ki-tiân tī chiú-khut hia

teh phah-béh, m̄-ài hō· Bí-tiên lāng khoàⁿ-kìⁿ. ¹²Iâ-hô-hoa ê sù-chiá tùi Ki-tiên hián-hiān, tùi i kóng, Toā khùi-lát ê íóng-sū ah, Iâ-hô-hoa kap lí tī-teh. ¹³Ki-tiên tùi i kóng, Goá ê chú ah, nā Iâ-hô-hoa kap goán tī-teh, goán cháíⁿ-iūⁿ tú-tiòh che it-chhè ê sū ah? goán ê liát-chó· só· ká goán kóng Iâ-hô-hoa hiah ê kī-sū tī tah-lóh ah? in kóng, I kiám bô chhoā goán tùi Ai-kíp chiūⁿ-lâi mah? Taⁿ Iâ-hô-hoa pàng-sak goán, chiong goán kau tī Bí-tiên lāng ê chhiú. ¹⁴Iâ-hô-hoa khoàⁿ Ki-tiên, ká i kóng, Tiòh ēng lí chit ê lát khì, lâi kiù Í-sek-liát chhut Bí-tiên lāng ê chhiú; Goá kiám bô chhe lí mah? ¹⁵Ki-tiên ká I kóng, Chú ah, goá beh ēng sím-mih kiù Í-sek-liát? khoàⁿ ah, goá ê ke sī Má-ná-se tiong tē-it sòng-hiong ê, tī goá lâu-pē ê ke goá sī tē-it soè ê. ¹⁶Iâ-hô-hoa tùi i kóng, Goá beh kap lí tī-teh, lí beh phah Bí-tiên lāng, chhin-chhiūⁿ phah chit-lāng chit-iūⁿ. ¹⁷I ká I kóng, Goá nā tī Lí ê bīn-chēng tit-tiòh un-tián, kiù Lí hō· goá chit ê tiāu-thâu thang chai kap goá kóng-ê chiū-sī Lí. ¹⁸chhiáⁿ Lí m̄-thang lī-khui chia, theng-hāu goá koh lâi lí chia, toà goá ê lé-mih hē tī Lí ê bīn-chēng. I kóng, Goá beh theng-hāu lí koh lâi. ¹⁹Ki-tiên khì pī-pān chit chiah soaⁿ-iūⁿ-á, ēng chit i-hoat ê mī-hún choè bô-kàⁿ-piáⁿ; bah hē tī kheng--nih, thng toé tī ô--nih, toà kàu siōng-chhiū-kha, hián hō· I. ²⁰Siōng-tè ê sù-chiá hoan-hù i kóng, Bah kap bô-kàⁿ-piáⁿ hē tī chit ê chiòh-poāⁿ-téng, thng tò--chhut-lâi; i chiàu án-ni kiáⁿ. ²¹Iâ-hô-hoa ê sù-chiá chhun-chhut chhiú--nih só· kiáh ê koáiⁿ-á-bé, lâi tuh-tiòh bah kap bô-kàⁿ-piáⁿ; chiū ũ hé tùi chiòh-poāⁿ chhut-lâi, it-chīn sio bah kap bô-kàⁿ-piáⁿ; Iâ-hô-hoa ê sù-chiá chiū khì, bô koh khoàⁿ-kìⁿ. ²²Ki-tiên khoàⁿ-chhut I sī Iâ-hô-hoa ê sù-chiá; Ki-tiên chiū kóng,

Hāiⁿ ah! Chú Iâ-hô-hoa ah, in-ūi goá tng-bīn khoàⁿ-kìⁿ Iâ-hô-hoa ê sù-chiá. ²³Iâ-hô-hoa tùi i kóng, An lí ê sim, m̄-bián kiaⁿ; lí boē tì-kàu sí. ²⁴⁵Ki-tiên chiū tī-hia ká Iâ-hô-hoa khí chit chō toāⁿ, hō miá kiò Iâ-hô-hoa-sa-liông; chit ê toāⁿ tī A-pí-í-siā chók ê Gô-hut-láh, kàu kin-á-jit iáu tī-teh.

²⁵Hit-mī Iâ-hô-hoa hoan-hù Ki-tiên kóng, Lí khan lí lâu-pē ê gū-á lâi, chiū-sī chhit-nī ê tē-jī chiah gū, iā tiòh thiah-húi lí lâu-pē só·-ū Pa-lék ê toāⁿ, chhò toāⁿ-piⁿ ê A-sià-láh; ²⁶tī chit ê soaⁿ-chē, chiàu háp-gī ê hoat, ũi Iâ-hô-hoa lí Siōng-tè khí chit chō toāⁿ, ēng tē-jī chiah gū hián-choè sio-chè, ēng lí só· beh chhò ê A-sià-láh choè-chhā. ²⁷Ki-tiên chiū tùi i ê lô-pók tiong chhoā chap-lāng, chiàu Iâ-hô-hoa hoan-hù i khì kiáⁿ; i in-ūi kiaⁿ lâu-pē ê ke, kap siāⁿ-lāi ê lāng, jīt--sī m̄-káⁿ choè chit ê sū, chiū tī mī--sí choè i. ²⁸Siāⁿ-lāi ê lāng chheng-chá khí-lâi, khoàⁿ-kìⁿ Pa-lék ê toāⁿ thiah-húi, toāⁿ-piⁿ ê A-sià-láh chhò-lóh, tē-jī chiah gū hián tī só· khí ê toāⁿ. ²⁹In saⁿ-kap kóng, Sím-mih lāng choè chit ê sū ah? In chhā-m̄ng liáu-āu, chiū kóng, Che sī Iok-a-si ê kiáⁿ Ki-tiên choè ê. ³⁰Siāⁿ-lāi ê lāng tùi Iok-a-si kóng, Liáh lí ê kiáⁿ chhut-lâi, thang hō· i sí; in-ūi i thiah-húi Pa-lék ê toāⁿ, chhò toāⁿ-piⁿ ê A-sià-láh. ³¹Iok-a-si ká it-chhè khiā teh kong-kek i ê lāng kóng, Lín beh ũi Pa-lék cheng-piān mah? lín beh kiù i mah? Nā ũ lāng ũi i cheng-piān, thàn chá-khí tiòh hō· i sí; Pa-lék nā sī siōng-tè, chiah hō· i ũi ka-kī cheng-piān, in-ūi lāng thiah-húi i ê toāⁿ. ³²Tùi hit-jit kiò i ê miá Iâ-lō·-pa-lék, sī kóng, Pa-lék tiòh kap i cheng-piān, in-ūi i húi-hoāi i ê toāⁿ.

³³Hit-sī Bí-tiên lāng, A-má-lék lāng, kap tang-hng ê peh-sìⁿ, lóng chū-chíp kè-hô, tī Iâ-su-liát ê soaⁿ-kok chat-iāⁿ. ³⁴Iâ-hô-hoa ê

Sîn lîm-kàu Ki-tiân; i chiū pûn sàu-kak; A-pí-í-siā chòk lóng chū-chíp kun-tè i. ³⁵I chhe lêng piàn-kiâⁿ Má-ná-se; Má-ná-se lêng iā chū-chíp lāi tè i; koh chhe lêng khi kìⁿ A-siat loàng, Se-pò·lûn lêng, Ná-hut-tha-lī lêng; in iā lóng chiūⁿ-lāi kap in liân-háp.

³⁶Ki-tiân tùi Siōng-tè kóng, Lí nā chiàu Lí só· kóng ê, beh ēng goá ê chhiú lāi kiù Í-sek-liát, goá chiū ēng kui-niá ê iūⁿ-mng hē tī gō·kak-tiūⁿ; nā kan-ta iūⁿ-mng ū lō·chúi, thô·kha lóng ta-ta, goá chiū chai Lí beh chiàu Lí só· kóng ê, ēng goá ê chhiú kiù Í-sek-liát. ³⁸Chiū kó·jiân án-ni; keh-jit Ki-tiân chá·chá khí·lāi, chūn iūⁿ-mng, tùi iūⁿ-mng ká·chhut lō·chúi chit-oáⁿ moá·moá. ³⁹Ki-tiân koh tùi Siōng-tè kóng, Kiū Lí m̄-thang siū·khi goá, goá koh kóng chit-pái nā-tiāⁿ; kiū Lí chún goá koh chit-pái ēng iūⁿ-mng chhi·khoàⁿ, taⁿ tók·tók hō· iūⁿ-mng ta-ta, thô·kha lóng ū lō·chúi; chit-mī Siōng-tè iā án-ni kiāⁿ, tók·tók iūⁿ-mng ta-ta, thô·kha lóng ū lō·chúi.

7 Iā-lō·pa-lék chiū·sī Ki-tiân, i kap it-chhè tè i ê lêng, chá·chá khí·lāi, tī Hap-lút chui·choāⁿ-piⁿ chat-iāⁿ; Bí-tiân iāⁿ tī in pak--sì ê soaⁿ-kok, oá-kūn Mô·lī soaⁿ.

²Iā-hô-hoa tùi Ki-tiân kóng, Goá ēng Bí-tiân kau tī peh-siⁿ ê chhiú, m̄-kú tè lí ê lêng siuⁿ-choē, kiaⁿ-liáu Í-sek-liát lêng tùi tī Goá lāi ka-kī khoa-kháu, kóng, Sī goá ka-kī ê chhiú kiù goá. ³Taⁿ lí tiòh soan-pò· hō· peh-siⁿ thiaⁿ, kìⁿ-nā kiaⁿ-hiāⁿ lún-neh ê lêng, thang lī-khui Ki-liát soaⁿ tò--khi; tùi án-ni peh-siⁿ tiong ū nng-bān nng-chheng lêng tò--khi; iáu ū chhun chit-bān. ⁴Iā-hô-hoa tùi Ki-tiân kóng, Lêng iáu-kú siuⁿ-choē; lí tiòh chhoā in lōh-khi kau chui·piⁿ, Goá beh tī-hia ká lí chhi in; kìⁿ-nā Goá kí sím-mih lêng tùi lí kóng, Chit-lêng thang kap lí khi, hit-lêng

chiū thang kap lí khi; Goá kí sím-mih lêng ká lí kóng, Chit-lêng m̄-thang kap lí khi, hit-lêng chiū m̄-thang khi. ⁵Ki-tiân chiū chhoā peh-siⁿ lōh-khi kau chui·piⁿ; Iā-hô-hoa tùi Ki-tiân kóng, Kìⁿ-nā ēng chhi nà chui, chhin-chhiūⁿ káu teh nà, hit-lêng tiòh hō· i lēng-goā khiā-teh, kìⁿ-nā kui--lōh-khi lim-chui·ê, iā tiòh hō· i lēng-goā khiā-teh. ⁶Ēng chhiú oá-chhui lāi nà-chui ê, ū saⁿ-pah lêng; kī·ū hiah ê peh-siⁿ lóng kui--lōh-khi lim-chui. ⁷Iā-hô-hoa ká Ki-tiân kóng, Goá beh ēng chiah ê nà-chui ê saⁿ-pah lêng kiù lín, chiong Bí-tiân lêng kau tī lí ê chhiú; cheng peh-siⁿ lóng thang tò--khi i ê só·chāi. ⁸Peh-siⁿ chhiú--nih chiū toà kan-niū kap in ê sàu-kak; Ki-tiân chhe Í-sek-liát cheng-lêng ták-lêng tò--khi in ê pò·pīⁿ; chí·ū lâu chí saⁿ-pah lêng; Bí-tiân ê iāⁿ chat tī i ē·bīn ê soaⁿ-kok.

⁹Siāng hit-mī Iā-hô-hoa ká Ki-tiân kóng, Khí--lāi, lōh--khi kau hit ê iāⁿ-poāⁿ, in-ūi Goá í-keng chiong i kau tī lí ê chhiú. ¹⁰Lí nā m̄-káⁿ lōh--khi, lí kap lí ê lô·pók Phó·láh tiòh lōh--khi hit ê iāⁿ-poāⁿ; ¹¹lí beh thiaⁿ-kìⁿ in só· kóng ê; jiân-āu lí chiū ū tám-lék lōh--khi kau iāⁿ-poāⁿ. I chiū kap i ê lô·pók Phó·láh lōh--khi kau iāⁿ-poāⁿ, toà kun-khi·ê ê piⁿ-á. ¹²Bí-tiân lêng, A-má-lék lêng, kap tang-hng ê cheng-lêng, lóng tó tī soaⁿ-kok, chhin-chhiūⁿ chháu-meh hiah-choē; in ê lók-tô boē-sng--tit, choē chhin-chhiūⁿ hái-kīⁿ ê soa. ¹³Ki-tiân í-keng kau, ū lêng ēng bāng ká i ê tâng-phoāⁿ kóng, Goá bāng-kìⁿ chit ê bāng; khoāⁿ ah, ū chit ê toā-béh-piáⁿ kō·jlp Bí-tiân ê iāⁿ, kau chit ê pò·pīⁿ, chhiong hō· i tó, hō· pò·pīⁿ péng-lín-túg, tó kau piⁿ-toē. ¹⁴I ê tâng-phoāⁿ in kóng, Che m̄-sī pát-hāng, chiū·sī Í-sek-liát lêng, Iok-a-si ê kiáⁿ Ki-tiân ê to; Siōng-tè í-keng chiong Bí-tiân kap i ê choān-kun kau tī

i ê chhiú.

¹⁵Ki-tiân thiaⁿ-kìⁿ chit ê bāng ê oē, kap i ê koé-seh, chiū kèng-pài Siōng-tè; tò--lâi kàu Í-sek-liát ê iāⁿ-tióng, kóng, Khí-lâi ah, in-ūi Iâ-hô-hoa í-keng chiong Bí-tiân ê kun-tūi kau tī lín ê chhiú lah. ¹⁶I chiū pun saⁿ-pah lāng choē saⁿ-tūi, ēng sàu-kak kap khang-àng kau tī ták-lāng ê chhiú, àng-lâi lóng khèng hé-pé; ¹⁷kā in kóng, Lín tiōh khoàⁿ goá ê iūⁿ lâi choē; goá kàu hit ê iāⁿ-poāⁿ-piⁿ, goá só-choē-ê, lín iā tiōh án-ni choē. ¹⁸Goá kap hiah ê kap goá tī-teh ê lāng pūn sàu-kak ê sī, lín iā tiōh tī iāⁿ ê sī-ūi pūn sàu-kak, kóng Ūi-tiōh Iâ-hô-hoa iā ūi-tiōh Ki-tiân.

¹⁹Ki-tiân kap tē i ê chit-pah lāng, tī saⁿ-kìⁿ-thâu, lâi kàu iāⁿ-piⁿ; hit-sī chiú-kìⁿ-ê tú-á oāⁿ-pan; in chiū pūn sàu-kak, kòng-phoà chhiú--nih ê àng; ²⁰saⁿ-tūi ê lāng chiū lóng pūn sàu-kak, kòng phoà àng, tò-chhiú kiáh hé-pé, chiāⁿ-chhiú kiáh sàu-kak, lâi pūn, hoah kóng, Iâ-hô-hoa kap Ki-tiân ê to. ²¹In tī iāⁿ ê sī-ūi ták-ê khiā ka-kī ê ūi; choān-iāⁿ ê lāng lóng cháu; hoah-hiām hō· in tô-cháu. ²²Pūn saⁿ-pah ki sàu-kak ê sī, Iâ-hô-hoa hō· choān-iāⁿ ê lāng ták-ê ēng to saⁿ-thâi; kun-tūi cháu kàu Se-lī-láh ê Pek-hap-sī-tha, koh kàu A-pek-bí-hô-láh ê kài, kún tī Tha-pa. ²³Í-sek-liát lāng chiū tui Ná-hut-tha-lī, A-siat, kap Má-ná-se chū-chíp, lâi tui-koáⁿ Bí-tiân.

²⁴Ki-tiân chhe lāng piān-kiāⁿ Í-hoat-liân ê soaⁿ-toē, kóng, Lín lóh-lâi kong-kek Bí-tiân, thàn in bē kàu, pé-siú hiah ê tō-thâu, tit-kàu Pek-pa-láh, chiū-sī Iok-tàn. Tui án-ni Í-hoat-liân ê cheng-lāng chū-chíp, pé-siú hiah ê tō-thâu, tit-kàu Pek-pa-láh, chiū-sī Iok-tàn; ²⁵iā liáh-tiōh Bí-tiân nng ê siú-léng, Gô-líp kap Se-i-pek; thâi-sí Gô-líp tī Gô-líp ê chiòh-poāⁿ, thâi-sí Se-i-pek tī Se-i-pek ê chiú-khut hia;

koh tui-koáⁿ Bí-tiân lāng; toà Gô-líp kap Se-i-pek ê thâu-khak kàu Iok-tàn hit-pêng, Ki-tiân hia.

8 Í-hoat-liân lāng tui Ki-tiân kóng, Lí khi kap Bí-tiân lāng kau-chiàn, bô kiò goán kap lí khi, siáⁿ-sū án-ni khoán-thāi goán ah? In chiū kap i toā-toā kè-kàu. ²Ki-tiân tui in kóng, Goá só-kiāⁿ-ê kiám oē pí-tit lín mah? Í-hoat-liân khioh phû-tô-seh, kiám bô khah-iāⁿ A-pí-í-siā bán phû-tô mah? ³Siōng-tè í-keng chiong Bí-tiân ê siú-léng Gô-líp Se-i-pek kau tī lín ê chhiú, goá só-kiāⁿ ê kiám oē pí-tit lín mah? I kóng chiaⁿ ê oē, in ê siū-khi chiū siau.

⁴Ki-tiân kap tē i ê saⁿ-pah lāng kàu Iok-tàn kè-tō, sui-jiân iā-siān, iáu-kú teh tui-jip. ⁵Ki-tiân tui So-kat lāng kóng, Chhiáⁿ lí chiong piáⁿ kiong-kip kun-tē goá ê peh-siⁿ; in-ūi in iā-siān, goá iā teh jip Bí-tiân nng ê ông, Se-pa kap Sat-bō·-ná. ⁶So-kat hiah ê siú-léng in kóng, Se-pa kap Sat-bō·-ná ê chhiú í-keng tī lí ê chhiú, goán chiaⁿ tiōh ēng piáⁿ hō· lí ê kun-tūi ah? ⁷Ki-tiân kóng, Iâ-hô-hoa chiong Se-pa kap Sat-bō·-ná kau tī goá ê chhiú liáu-āu, goá chiū beh ēng khòng-iá ê chhi kap chhi-á phah-siong lín ê bah. ⁸I tui hia chiūⁿ-khi Pí-lô·-i-lèk, iā tui in án-ni kóng; Pí-lô·-i-lèk lāng in i, iā kap So-kat lāng só· in-ê saⁿ-tāng. ⁹I tui Pí-lô·-i-lèk ê lāng kóng, Goá pêng-an tò--lâi ê sī, goá beh thiah chit ê tái.

¹⁰Hit-sī Se-pa kap Sat-bō·-ná, í-klp kun-tē i ê kun-tūi, lóng tī Ka-kok, iok-liók ū chit-bān gō·-chheng lāng, chiū-sī tang-hng choān-kun só·-chhun-ê; in-ūi í-keng sí chấp-jī bān lāng, lóng sī kiáh-to-ê. ¹¹Ki-tiân chiū tui Lô-pa kap Iok-pí-hap tang-pêng tui khiā-khi pò·-pīⁿ--ê ê lô·, chiūⁿ-khi, phah-iāⁿ in ê kun-tūi; in-ūi in ê kun-tūi an-jiân. ¹²Se-pa kap Sat-bō·-ná tô-

cháu, Ki-tiên tui-jip in, liáh-tiòh Bí-tiên n̄ng ê ông Se-pa kap Sat-bō·ná, hō· in choân-kun kiaⁿ-cháu.

¹³Iok-a-si ê kiáⁿ Ki-tiên tui Hi-liát-su ê soaⁿ-phiâⁿ, tui chiàn-tin tò--lâi. ¹⁴Liáh So·kat chit ê siàu-liân lāng, m̄ng i; i chiū siá So·kat hiah ê siú-léng kap tiúⁿ-lô, kiōng chhit-cháp-chhit lāng, hō· i. ¹⁵Ki-tiên kàu So·kat, tui hia ê lāng kóng, Lín chēng ūi-tiòh Se-pa kap Sat-bō·ná giòh-siòh goá kóng, Se-pa kap Sat-bō·ná ê chhiú í-keng tī lí ê chhiú, goán chiah tiòh ēng piáⁿ hō· lí ià-siān ê lāng ah? Taⁿ lín lâi khoàⁿ. ¹⁶Chiū liáh siāⁿ-lâi ê tiúⁿ-lô, ēng khòng-ia ê chhiú kap chhiú-á lâi kàu-tok So·kat lāng; ¹⁷koh thiah Pí-lô·i-lék ê tái, thái-sí hit ê siāⁿ-lâi ê lāng. ¹⁸Chiū m̄ng Se-pa kap Sat-bō·ná kóng, Lín tī Tha-pók soaⁿ só· thài ê lāng sím-mih khoán? Ìn kóng, In chhin-chhiūⁿ lí, ták-lāng lóng ū ông ê kiáⁿ ê iōng-māu. ¹⁹I kóng, In sī goá siāng-bú ê hiaⁿ-tī; goá chí Iā-hô-hoa ê éng-oáh lâi kóng, Lín chēng nā lâu in ê sīⁿ-miā, goá taⁿ chiū bô thài lín. ²⁰Chiū tui i ê toā-kiáⁿ Ek-thiap kóng, Khí-lâi thài in; chóng-sī siàu-liân lāng bô puih-to, in-ūi i iáu siàu-liân, chiū kiaⁿ. ²¹Se-pa kap Sat-bō·ná kóng, Lí ka-kī khí-lâi thài goán; in-ūi lāng cháiⁿ-iūⁿ, khui-lát iā sī án-ni. Ki-tiên chiū khí-lâi thài-sí Se-pa kap Sat-bō·ná, chhiú in lók-tô âm-kún ê chng-thāⁿ, khoán-sit chhin-chhiūⁿ gēh-bâi.

²²Í-sek-liát lāng tui Ki-tiên kóng, Lí í-keng kiū goán thoat-lī Bí-tiên lāng ê chhiú, goán lí kap lí ê kiáⁿ, lí ê sun, koán-lí goán. ²³Ki-tiên kóng, Goá bô beh koán-lí lín, goá ê kiáⁿ iā bô beh koán-lí lín; tók-tók Iā-hô-hoa beh choè lín ê ông. ²⁴Ki-tiên koh tui in kóng, Goá ū chit-hāng kiū lín, chhiáⁿ lín ták-lāng chiong só· chhiúⁿ ê hī-khoân hō· goá. (In-ūi tui-ték

sī Í-sit-má-lī ê lāng, chiah ū chit-hō kim ê hī-khoân.) ²⁵Ìn kóng, Goán kam-goân hō· lí. Chiū chhu chit niá goā-saⁿ, ták-lāng chiong só· chhiúⁿ ê hī-khoân hiat tī hí téng-bm̄. ²⁶Ki-tiên só· thó ê kim hī-khoân, tēng chit-chheng chhit-pah sià-khek-lék ê kim-á; chit-ê í-goā koh ū gēh-bâi ê chng-thāⁿ, hī-tui, kap chí-sek ê i-hók, Bí-tiên ông só· ū-ê, kap lók-tô âm-kún ê liān-á. ²⁷Ki-tiên ēng chit-ê chè-chō chit ê í-hut-tek, hē tī i ê pún-siāⁿ Gô-hut-láh; āu-lâi Í-sek-liát lāng lóng khi hia kiāⁿ siā-âm pài i; che sī choè hāi Ki-tiên kap i choân-ke ê lô-bāng. ²⁸Án-ni Bí-tiên khut-hók tī Í-sek-liát lāng, boē-oē koh kiáh-khí thau-khak. Ki-tiên ê jít, hit ê toē-hng thài-pēng sì-cháp nī.

²⁹Tok-a-si ê kiáⁿ Iā-lō·pa-lék tò-khi ka-kī ê chhiú khiā-khí. ³⁰Ki-tiên ū chhit-cháp ê chhin-siⁿ kiáⁿ; in-ūi i ū chhoā choē-choē ê bó. ³¹Tī Sī-kiām i ê soé-í iā kā i siⁿ chit ê kiáⁿ; i chiū kā i hō-miā kiō A-pí-bí-lék. ³²Iok-a-si ê kiáⁿ Ki-tiên nī-lâu hē-choē, chiū sí, bāi-chòng tī A-pí-í-siā chók Gô-hut-láh, tī i ê lâu-pē Iok-a-si ê bōng.

³³Ki-tiên sí liáu-āu Í-sek-liát lāng oát-túg khi kiāⁿ-im, tè chiah ê Pa-lék, ēng Pa-lék-pí-lī-thó· choè in ê siōng-tè. ³⁴Í-sek-liát lāng bô kì-liām Iā-hô-hoa in ê Siōng-tè, chiū-sī kiū in thoat-lī sì-ūi ê tui-ték ê chhiú ê; iā bô hó khoán-thāi Iā-lō·pa-lék, chiū-sī Ki-tiên ê ke, chiàu i só· kiāⁿ tī Í-sek-liát ê un-hui.

9 Iā-lō·pa-lék ê kiáⁿ A-pí-bí-lék kàu Sī-kiām, kìⁿ i ê chēng bú-kū, tui in kap i goā-kong choân-ke ê lāng kóng, Chhiáⁿ lín kóng hō· Sī-kiām ê chēng-lāng thiaⁿ, khoàⁿ sī Iā-lō·pa-lék ê chēng-kiáⁿ, chhit-cháp lāng koán lín, á-sī chit-lāng koán lín, tah-lóh chit-hāng khah-hó? Lín iā tiòh siàu-liām goá sī lín ê kut-jiók. ³I hiah ê bú-kū chiū chiong chit ê

it-chhè ê oē, thoè i kóng hō· Sī-kiàm ê lāng thiaⁿ; in ê sim chiū kui-ṅg A-pí-bí-lék; in-ūi kóng, I sī lán ê hiaⁿ-tī. ⁴Chiū tui Pa-lék-pí-lī-thó· ê chhū thèh chhit-cháp ê gūn-á hō· A-pí-bí-lék; i chiū ēng i lāi kò· chiah ê bô hē-lóh ê húi-lūi; hiah ê lāng lāi tē i. ⁵I khi Gô-hut-lāh kàu i ê lāu-pē ê ke, chiong Iā-lō·-pa-lék ê kiáⁿ, chiū-sī i ê hiaⁿ-tī chhit-cháp lāng, lóng thāi-sí tī chit tē chiòh-poāⁿ-téng; chí-ū Iā-lō·-pa-lék ê soah-bé kiáⁿ Iok-thán lāu--teh; in-ūi i ū cháu khi bih. ⁶Sī-kiàm lāng kap Bí-lô ê ke, lóng chū-chíp, khi siat-líp A-pí-bí-lék choè-ông, tī Sī-kiàm chhāi-thiāu ê siōng-chhiū-kha.

⁷Ū lāng kā Iok-thán kóng chit ê sū, i chiū khi khiā tī Ki-lī-sim soaⁿ-téng, toā-siaⁿ hoah, kā in kóng, Sī-kiàm lāng ah, lín tiòh thiaⁿ goá ê oē, hō· Siōng-tè iā thiaⁿ lín. ⁸Bat ū chit-pái, chiah ê chhiū lóng khi, beh siat-líp chit chāng chhiū choè in ê ông; chiū khi tui kaⁿ-ná-chhiū kóng, Chhiáⁿ lí choè goán ê ông. ⁹Kaⁿ-ná-chhiū in kóng, Goá kiám thang pàng-sak goá ê iū, chiū-sī lāng só· ēng lāi chun-tiōng Siōng-tè kap lāng ê, khi iô tī cheng-chhiū ê téng-bīn mah? ¹⁰Chiah ê chhiū tui bū-hoa-kó-chhiū kóng, Lí lāi, lāi choè goán ê ông. ¹¹Bū-hoa-kó-chhiū in kóng, Goá kiám thang pàng-sak goá ê tī koh hó ê ké-chí, khi iô tī cheng-chhiū ê téng-bīn mah? ¹²Chiah ê chhiū tui phū-tô-chhiū kóng, Lí lāi, lāi choè goán ê ông. ¹³Phū-tô-chhiū in kóng, Goá kiám thang pàng-sak goá ê sin-chiú, chiū-sī hō· Siōng-tè kap lāng hoaⁿ-hí-ê khi iô tī cheng-chhiū ê téng-bīn mah? ¹⁴Chiah ê chhiū tui chhi-á kóng, Lí lāi, lāi choè goán ê ông. ¹⁵Chhi-á in hiah ê chhiū kóng, Lín nā sít-chāi siat-líp goá choè lín ê ông, chiū tiòh siám-bih tī goá ê ìm-ńg-ē; nā m̄, goān hé tui chhi-á chhut, sio-biát Lī-pa-lùn ê pek-hiuⁿ-chhiū. ¹⁶Taⁿ lín

siat-líp A-pí-bí-lék choè-ông, nā chiū sēng-sít kong-gī lāi kiáⁿ, koh hó khoán-thāi Iā-lō·-pa-lék kap i ê ke, chiū i ê chhiú só· tiòh-boā ê pò-tap i; ¹⁷in-ūi goá ê lāu-pē bat phe-sí, ūi lín kau-chiàn kiū lín thoat-lī Bí-tiān lāng ê chhiú; lín kin-á-jit khi-lāi kong-kek goá lāu-pē ê ke, thāi-sí i ê kiáⁿ, chhit-cháp lāng, tī chit tē chiòh-poāⁿ-téng, koh siat-líp i ê lú-pī ê kiáⁿ A-pí-bí-lék choè Sī-kiàm lāng ê ông, in-ūi i sī lín ê hiaⁿ-tī; ¹⁹lín kin-á-jit nā chiū sēng-sít kong-gī khoán-thāi Iā-lō·-pa-lék kap i ê ke, chiū lín thang tui A-pí-bí-lék lāi hoaⁿ-hí, i iā thang tui lín lāi hoaⁿ-hí; ²⁰nā bô, goān hé tui A-pí-bí-lék chhut, sio Sī-kiàm lāng kap Bí-lô ê ke; koh goān hé tui Sī-kiàm lāng kap Bí-lô ê ke chhut, sio A-pí-bí-lék. ²¹Iok-thán, in-ūi kiaⁿ i ê hiaⁿ-tī, chiū tô-cháu; cháu-khi bih tī Pí-jīⁿ, tiām tī-hia.

²²A-pí-bí-lék koán Í-sek-liát saⁿ-nī. ²³Siōng-tè chhe pháiⁿ-sín tī A-pí-bí-lék kap Sī-kiàm lāng ê tiong-kan. Sī-kiàm lāng chiū ēng khú-chà khoán-thāi A-pí-bí-lék; ²⁴lāi pò-èng Iā-lō·-pa-lék chhit-cháp ê kiáⁿ só· siū ê chân-hāi; iā hō· in ê huìh kui tī thāi-sí in ê, chiū-sī in ê hiaⁿ-tī A-pí-bí-lék, iā kui tī Sī-kiàm lāng, chiū-sī chān i ê chhiú thāi-sí i ê hiaⁿ-tī ê. ²⁵Sī-kiàm lāng tī soaⁿ-téng siat bài-hók, lāi tng-tán i; kìⁿ-nā tui hit tiâu lō· kè ê lāng, in chiū chhiúⁿ i; ū lāng chiū chiong che sū khi pò A-pí-bí-lék.

²⁶Í-piat ê kiáⁿ Ka-lék, kap i ê hiaⁿ-tī, lāi kàu Sī-kiàm; Sī-kiàm lāng lóng sìn-khò i. ²⁷In chhut-khi hūg--nih, siu phū-tô-hūg, lāi tǎh chiú, siat iān-siáh, jip in ê siōng-tè ê biō lim-chiáh, chiū-chó· A-pí-bí-lék. ²⁸Í-piat ê kiáⁿ Ka-lék kóng, A-pí-bí-lék sī chī-chūi, Sī-kiàm sī chī-chūi, hō· lán hók-sāi i ah? i kiám m̄-sī Iā-lō·-pa-lék ê kiáⁿ mah? i ê kun-tiūⁿ kiám

m̄-sī Se-pò·lèk mah? lín tiòh hók-sāi Sī-kiàm ê lâu-pē Hap-boát ê lāng; lán siáⁿ-sū hók-sāi i ah? ²⁹Goān chiaah ê peh-sìⁿ kui goá ê chhiú-ē, goá chiū tū A-pí-bí-lèk; i chiū kā A-pí-bí-lèk kóng, Ke-thiⁿ lí ê kun-peng chhut-lái.

³⁰Siáⁿ-siú Se-pò·lèk thiaⁿ-kìⁿ Í-piat ê kiáⁿ Ka-lèk ê oē, chiū siū-khì; ³¹àm-chīⁿ chhe lāng khi kìⁿ A-pí-bí-lèk, kóng, Í-piat ê kiáⁿ Ka-lèk kap i ê hiaⁿ-tī kàu Sī-kiàm, iú-hèk siáⁿ-lāi ê peh-sìⁿ kong-kek lí; ³²só·í lí kap tē lí ê lāng, tiòh thau-mī khí-lāi, bài-hók tī chhân-nih; ³³chá-khí-sī, jīt tú-á chhut; lí tiòh chá-khí-lāi, chhiong-oá kong siáⁿ; Ka-lèk kap tē i ê lāng chhut-lái kong-kek lí ê sī, lí chiū thang siòng ki-hoē lái khoán-thāi in.

³⁴A-pí-bí-lèk kap tē i ê cheng-lāng thau-mī khí-lāi, pun choē sì-tūi, òng Sī-kiàm bài-hók. ³⁵Í-piat ê kiáⁿ Ka-lèk chhut-khì, khiā tī siáⁿ-m̄ng-kháu; A-pí-bí-lèk kap tē ê lāng tui bài-hók ê só·chāi khí-lāi. ³⁶Ka-lèk khoàⁿ-kìⁿ hiah ê lāng, chiū tui Se-pò·lèk kóng, Khoàⁿ ah, ū lāng tui soaⁿ-téng lōh--lāi. Se-pò·lèk kóng, Lí khoàⁿ-kìⁿ soaⁿ ê iáⁿ, liáh-choē sī lāng. ³⁷Ka-lèk koh kóng, Khoàⁿ ah, ū lāng tui koaiⁿ-toē lōh-lāi, koh ū chit-tūi tui Bí-ok-nī-nī siōng-chhiū ê lō· chiūⁿ-lāi. ³⁸Se-pò·lèk tui i kóng, Lí bat kóng, A-pí-bí-lèk sī chī-chūi, hō· lán hók-sāi i, lí kóng chiaah ê oē ê chhiū tī tah-lōh? che kiám m̄-sī lí só· biáu-sī ê peh-sìⁿ mah? lí taⁿ tiòh chhut-khì, kap in kau-chiàn. ³⁹Ka-lèk chiū tui Sī-kiàm lāng ê thau-cheng chhut-khì, kap A-pí-bí-lèk kau-chiàn. ⁴⁰A-pí-bí-lèk tui-koáⁿ i; i tī i ê bīm-cheng tô-cháu, ū choē-choē lāng tiòh-siong tó--teh, tit-kàu siáⁿ-m̄ng-kháu.

⁴¹A-pí-bí-lèk tiàm tī A-ló·má; Se-pò·lèk koáⁿ Ka-lèk kap i ê hiaⁿ-tī, m̄-chún i tiàm tī Sī-kiàm. ⁴²Keh-jīt peh-sìⁿ chhut-khì kàu

chhân--nih; ū lāng kā A-pí-bí-lèk kóng. ⁴³I chiū chiong i ê lāng pun choē saⁿ-tūi, bài-hók tī chhân--nih; khoàⁿ-kìⁿ Sī-kiàm lāng tui siáⁿ-nih chhut-lái, chiū khí-lāi kong-kek in, thāi in. ⁴⁴A-pí-bí-lèk kap tē i hit chit-tūi chhiong chìn-cheng, khiā tī siáⁿ-m̄ng-kháu; hit n̄ng-tūi tit-tit chhiong kàu chhân--nih hiah ê lāng, lái thāi in. ⁴⁵A-pí-bí-lèk thong-jīt kong-kek siáⁿ; chhiū hit ê siáⁿ, thāi-sí hí lái-bīm ê peh-sìⁿ; thiah-húi hit ê siáⁿ, eng iām iā i.

⁴⁶Tiàm tī Sī-kiàm tui ê lāng thiaⁿ-kìⁿ, chiū siám-jíp Pa-lèk-pí-lī-thó· ê chhiū ê oē-só·. ⁴⁷Ū lāng kā A-pí-bí-lèk kóng, Sī-kiàm tui ê lāng lóng chū-chip tī chit só·chāi. ⁴⁸A-pí-bí-lèk kap tē i ê lāng chiū lóng chiūⁿ Sat-būn soaⁿ; A-pí-bí-lèk chhiū thēh pò·thau, chhò chit chāng chhiū-ki, giā tī keng-thau-téng; tui tē i ê lāng kóng, Lí khoàⁿ goá só·kiáⁿ-ê, iā tiòh kín-kín óh goá lái kiáⁿ. ⁴⁹Cheng-lāng chiū ták-ê chhò chit-ki, lái tē A-pí-bí-lèk, chiong chhiū-ki thiáp tī oē-só·, pàng-hé sio oē-só· tī hiah ê lāng ê téng-bīm, tī-kàu Sī-kiàm tui ê lāng lóng sí; lâm-lú iok-liók chit-chheng lāng.

⁵⁰A-pí-bí-lèk khi kàu Thē-pī-su, chat-iāⁿ tī Thē-pī-su, lái chhiū i. ⁵¹Siáⁿ-lāi ū kian-kò· ê tui; siáⁿ-lāi ê cheng-lāng, bō-lūn lâm-bú, lóng cháu-khì hia, koaiⁿ-m̄ng, chiūⁿ tui-téng. ⁵²A-pí-bí-lèk kàu hit ê tui kong-kek i, oá-kūn tui-m̄ng, beh eng hé sio i. ⁵³Ū chit ê hū-jîn-lāng chiong chit-tē téng-tún ê bō-chiòh, tìm-tiòh A-pí-bí-lèk ê thau-khak, phah-phoà i ê thau-khak-oáⁿ; ⁵⁴i chiū kín-kín kiò kiáh i ê kun-khì ê siàu-liân lāng, kā i kóng, Puih lí ê to thāi goá, bián-tit lāng kóng goá, I sī hū-jîn-lāng só· thāi-ê; siàu-liân lāng chiū kā i chhák-thau, i chiū sí. ⁵⁵Í-sek-liát lāng khoàⁿ-kìⁿ A-pí-bí-lèk í-keng sí, ták-ê chiū tò-khì i ê só·chāi. ⁵⁶Án-ni, Siōng-tē pò-èng A-pí-bí-lèk òng

i ê lău-pē só· kiâⁿ ê pháiⁿ, chiū-sī thài-sí i ê hiaⁿ-tī chhit-cháp lăng. ⁵⁷Sī-kiām lăng it-chhè ê pháiⁿ, Siōng-tè iā lóng pò-èng tī in ê thâu-khak-téng; Iâ-lō·pa-lèk ê kiáⁿ Iok-thán ê chiū-chó· kui tī in ê téng-bīn.

10 A-pí-bí-lèk liáu-āu, ū Í-sat-ka lăng, Tó-to ê sun, Phó·oá ê kiáⁿ, Tô-lăh khí-lâi, chín-kiù Í-sek-liát lăng; i tiàm tī Í-hoat-liân soaⁿ-toē ê Sa-bit; ²i choē Í-sek-liát ê sū-su jī-cháp-saⁿ nī, chiū sí, bài-chòng tī Sa-bit.

³I liáu-āu ū Ki-liát lăng Gâi-jīⁿ khí-lâi, choē Í-sek-liát ê sū-su jī-cháp-jī nī. ⁴I ū saⁿ-cháp ê kiáⁿ, khiā saⁿ-cháp chiaⁿ ê lū-á, in ū saⁿ-cháp chō siāⁿ, miā kiò Hap-úi-ték-gâi-jīⁿ, kàu kin-á-jit; lóng sī tī Ki-liát toē. ⁵Gâi-jīⁿ sí, chiū bài-chòng tī Ka-būn.

⁶Í-sek-liát lăng koh kiâⁿ Iâ-hô-hoa só· khoàⁿ-choē pháiⁿ ê sū, khi hók-sāi chiaⁿ ê Pa-lèk, kap A-su-tha-liók, í-kip A-lân ê siōng-tè, Se-tùn hiah ê siōng-tè, Mô·ap ê siōng-tè, A-būn lăng ê siōng-tè, Hui-lī-sū lăng ê siōng-tè; khi-sak Iâ-hô-hoa bô hók-sāi I. ⁷Iâ-hô-hoa siū-khi Í-sek-liát lăng, boē in tī Hui-lī-sū lăng ê chhiú, kap A-būn lăng ê chhiú. ⁸In tui hit-nī jiáu-loān ap-chè Í-sek-liát lăng cháp-poeh nī, chiū-sī tī Iok-tàn hit-pêng, chêng Í-sek-liát lăng khiā-khi tī A-mô·lī lăng ê toē, chiū-sī tī Ki-liát ê. ⁹A-būn lăng koh kè Iok-tàn hô, khi kong-kek Iū-tāi, Piān-ngá-bín, Í-hoat-liân chók; Í-sek-liát lăng chiū chīn-chāi khún-pek.

¹⁰Í-sek-liát lăng ai-kiū Iâ-hô-hoa, kóng, Goán tek-choē Lí, in-ūi ū khi-sak goán ê Siōng-tè, khi hók-sāi chiaⁿ ê Pa-lèk. ¹¹Iâ-hô-hoa tui Í-sek-liát lăng kóng, Goá kiám bô kiù lín thoat-lī Ai-kip lăng, A-mô·lī lăng, A-būn lăng, kap Hui-lī-sū lăng mah? ¹²Se-tùn lăng, A-má-lèk lăng, Má-hūn lăng, iā lóng ap-chè lín; lín ai-kiū Goá, Goá iā chín-kiù lín thoat-lī

in ê chhiú; ¹³lín keng-jiân pàng-sak Goá, hók-sāi pát ê siōng-tè; ¹⁴só·-í Goá bô koh kiù lín; lín khi ai-kiū lín só· keng ê siōng-tè; lín tú-tiòh hoān-lân ê sī, thang hō· in kiù lín. ¹⁵Í-sek-liát lăng tui Iâ-hô-hoa kóng, Goán hoān-choē lah, chhut-chāi Lí ê ì-sù khoán-thāi goán; tók-tók kiū Lí kin-á-jit kiù goán. ¹⁶In chiū tui in tiong-kan tū-khi goā-pang ê siōng-tè, hók-sāi Iâ-hô-hoa; Iâ-hô-hoa ê sim in-ūi Í-sek-liát lăng ê kan-khó· chiū iu-būn.

¹⁷Tng hit-sī A-būn lăng chū-chíp, chat-iāⁿ tī Ki-liát; Í-sek-liát lăng iā chū-chíp, chat-iāⁿ tī Bí-su-pa. ¹⁸Ki-liát ê peh-sīⁿ kap chêng siú-léng, tãi-ke saⁿ-kap gī-lūn kóng, Chī-chui oē tãi-seng khi kong-kek A-būn lăng? hit-lăng beh choē Ki-liát chêng peh-sīⁿ ê thâu-lăng.

11 Ki-liát lăng Iâ-hut-tha sī chit ê toā koān-léng ê ióng-sū, sī kī-lú ê kiáⁿ; Iâ-hut-tha sī Ki-liát só· siⁿ ê. ²Ki-liát ê bó· iā kā i siⁿ kúi-nā ê kiáⁿ; i ê bó· só· siⁿ ê kiáⁿ í-keng toā-hàn, chiū kek-tiók Iâ-hut-tha, kā i kóng, Lí m̄-thang tī goán lău-pē ê ke sêng-chiap giáp, in-ūi lí sī pát ê hū-jîn-lăng ê kiáⁿ. ³Iâ-hut-tha chiū cháu, siám-pī i ê hiaⁿ-tī, khi tiàm tī Tô-pek ê toē; ū húi-lui chū-chíp tī Iâ-hut-tha hia, tè i chhut-jlp.

⁴Kè ū hiah-kú, A-būn lăng kap Í-sek-liát kau-chiàn. ⁵A-būn lăng kap Í-sek-liát kau-chiàn ê sī, Ki-liát ê tiúⁿ-ló khi beh chio Iâ-hut-tha tui Tô-pek ê toē lâi; ⁶tui Iâ-hut-tha kóng, Chhiáⁿ lí lâi choē goán ê goān-soē, goán chiū thang kap A-būn lăng kau-chiàn. ⁷Iâ-hut-tha ìn Ki-liát ê tiúⁿ-ló kóng, Chêng lín kiám m̄-sī oàn-hūn goá, koáⁿ goá chhut lău-pē ê ke mah? taⁿ lín tú-tiòh hoān-lân, siáⁿ-sū lâi goá chia ah? ⁸Ki-liát ê tiúⁿ-ló ìn Iâ-hut-tha kóng, Goán taⁿ só·-í kui-ng lí, sī ài kap goán khi, kap A-būn lăng kau-chiàn; lí thang

choè goán ê thâu, lâi koán-hat Ki-liát it-chhè khiā-khí ê peh-siⁿ. ⁹Iâ-hut-tha tùi Ki-liát ê tiúⁿ-ló kóng, Lín chhoā goá tò--khì, kap A-bûn lêng kau-chiàn, Iâ-hô-hoa chiong in kau tī goá ê bīn-chêng, goá chin-chiàⁿ beh choè lín ê thâu mah? ¹⁰Ki-liát ê tiúⁿ-ló in Iâ-hut-tha kóng, Iâ-hô-hoa tī lán tiong-kan choè kan-chêng, goán tek-khak chiàu lí ê oē kiâⁿ. ¹¹Iâ-hut-tha chiū kap Ki-liát ê tiúⁿ-ló tò--khì; peh-siⁿ chiū līp i choè-thâu, choè goān-soè. Iâ-hut-tha tī Bí-su-pa chiong ka-kī it-chhè ê oē pài-liát tī Iâ-hô-hoa ê bīn-chêng.

¹²Iâ-hut-tha chhe hiah ê sù-chiá khi kīⁿ A-bûn lêng ê ông kóng, Lí kap goá sím-mih kan-siáp, keng-jiân lâi goá chia kong-kek goá ê toē ah? ¹³A-bûn lêng ê ông in Iâ-hut-tha ê sù-chiá kóng, In-ūi Í-sek-liát lêng tùi Ai-klip chiūⁿ-lâi ê sī, chiām goá ê toē, tùi A-lùn kàu Ngá-phok, tit-kàu Iok-tàn; taⁿ lín tiòh goān-goān chiong chiaⁿ ê toē hêng goá. ¹⁴Iâ-hut-tha koh chhe sù-chiá khi kīⁿ A-bûn lêng ê ông, kâ i kóng, ¹⁵Iâ-hut-tha án-ni kóng, Í-sek-liát lêng pēng bô chiām Mô-ap toē, kap A-bûn lêng ê toē. ¹⁶Í-sek-liát lêng tùi Ai-klip chiūⁿ-lâi, keng-kè không-iá kàu Àng-hái, lâi kàu Ka-te-su; ¹⁷hit-sī Í-sek-liát chiū chhe sù-chiá khi kīⁿ Í-tong ông kóng, Kiū lí chún goán keng-kè lí ê toē; chóng-sī Í-tong ông m̄ thiaⁿ i. Koh chhe sù-chiá khi kīⁿ Mô-ap ông, i iā m̄-chún; Í-sek-liát lêng chiū tiām tī Ka-te-su. ¹⁸In koh keng-kè không-iá, sêh Í-tong toē kap Mô-ap toē, tùi Mô-ap toē ê tang-sì kè-lâi, tī A-lùn hit-pêng chat-iâⁿ; iā bô jīp Mô-ap ê keng-lâi; in-ūi A-lùn hô sī Mô-ap ê kau-kài. ¹⁹Í-sek-liát chhe lêng khi kīⁿ A-mô-lī ông Se-hông, chiū-sī Hi-sít-pún ê ông, Í-sek-liát tùi i kóng, Kiū lí chún goán kè lí ê toē, khi goán ka-kī ê só·chāi. ²⁰Chóng-sī Se-hông m̄-sin Í-

sek-liát, m̄-hō· in keng-kè i ê keng-kài; Se-hông chiū chū-chip i ê chêng peh-siⁿ, tī Ngá-cháp chat-iâⁿ, kap Í-sek-liát lêng kau-chiàn. ²¹Iâ-hô-hoa Í-sek-liát ê Siōng-tè, ēng Se-hông kap i ê chêng peh-siⁿ kau tī Í-sek-liát lêng ê chhiú, in chiū phah in; tùi án-ni Í-sek-liát chiū tit-tiòh hit só·chāi khiā-khí ê A-mô-lī lêng choân-toē. ²²In tit-tiòh A-mô-lī lêng ê choân keng-kài, tùi A-lùn kàu Ngá-phok, tùi không-iá kàu Iok-tàn. ²³Iâ-hô-hoa Í-sek-liát ê Siōng-tè tī I peh-siⁿ Í-sek-liát ê bīn-chêng, koáⁿ-chhut A-mô-lī lêng; lí iā beh tit-tiòh in ê toē mah? ²⁴Lí ê siōng-tè Ki-boát só· siúⁿ-sù lí tit-tiòh-ê, lí bô tit-tiòh i lâi choè-giáp mah? Iâ-hô-hoa goán ê Siōng-tè kīⁿ-nā tùi goán ê bīn-chêng só· koáⁿ-chhut-ê goán beh tit-tiòh i. ²⁵Lí kiám iâⁿ-kè Mô-ap ông Se-phoat ê kiáⁿ Pa-lék mah? i kiám bat kap Í-sek-liát lêng kè-kàu mah? kiám bat kap in kau-chiàn mah? ²⁶Í-sek-liát lêng tiām tī Hi-sít-pún kap i ê hiuⁿ-siā, A-lô-jīⁿ kap i ê hiuⁿ-siā, kap A-lùn hô-piⁿ hiah ê siāⁿ, í-keng ū saⁿ-pah nī, lín tī hit-sī siáⁿ-sū bô chhú in tò-túg ah? ²⁷Goá bô tek-choē lí, lí hoán-túg kap goá kau-chiàn, sít-chāi bû-lí; goān sím-phoàⁿ ê Iâ-hô-hoa kin-á-jit tī Í-sek-liát kap A-bûn ê tiong-kan lâi phoàⁿ-toàn. ²⁸Chóng-sī A-bûn lêng ê ông m̄-khéng thiaⁿ Iâ-hut-tha chhe lêng tùi i kóng ê oē.

²⁹Iâ-hô-hoa ê Sîn līm-kàu Iâ-hut-tha; i chiū keng-kè Ki-liát kap Má-ná-se, koh keng-kè kàu Ki-liát ê Bí-su-pa, koh tùi Ki-liát ê Bí-su-pa keng-kè kàu A-bûn lêng hia. ³⁰Iâ-hut-tha chiū tùi Iâ-hô-hoa hē-goān, kóng, Lí nā chiong A-bûn lêng kau tī goá ê chhiú, goá tùi A-bûn lêng hia pêng-an tò-lâi ê sī, kīⁿ-nā tùi goá ê chhù ê m̄ng chhut-lâi ngiā-chih goá-ê, beh kui tī Iâ-hô-hoa, goá beh hiàn i choè sio-

chè. ³²Tùi án-ni Iâ-hut-tha khi A-bûn lêng hia, kap in kau-chiàn; Iâ-hô-hoa chiong in kau tī i ê chhiú; ³³i chiū phah in, toā-toā thâi-sí in, tùi A-lô-jíⁿ kàu Bí-lèk, tít-kàu A-pī-lèk-ki-lâh-bêng, kiōng jī-cháp ê siáⁿ; án-ni A-bûn lêng chiū khut-hók tī Í-sek-liát lêng.

³⁴Iâ-hut-tha tò-lâi Bí-su-pa kàu ka-kī ê chhù, hit-sī i ê cha-bó·kiáⁿ kiáh lin-long-kó·thiau-bú chhut-lâi ngiâ-chih i; chit-ê sī i tók-siⁿ ê, í-goā bô kiáⁿ, bô cha-bó·kiáⁿ. ³⁵Iâ-hut-tha khoàⁿ-kìⁿ i, chiū thiah-líh saⁿ kóng, Ai-ah, goá ê cha-bó·kiáⁿ, lí hō· goá chin-chhám, lí iā sī hō· goá chin toā kan-lân; in-ūi goá í-keng tùi Iâ-hô-hoa khui-chhùi, boē-oē siu tò-túg. ³⁶I in kóng, Goá ê pē ah, lí í-keng tùi Iâ-hô-hoa khui-chhùi, chiū tiòh chiàu lí ê chhùi só· kóng-chhut-ê kiāⁿ tī goá; in-ūi Iâ-hô-hoa í-keng ūi-tiòh lí pò-siū lí ê tùi-ték A-bûn lêng. ³⁷Koh tùi i ê lâu-pē kóng, Ū chit kiāⁿ sū kiū lí ún-chún, iōng-ún goá nng-gêh-jít, hō· goá kap goá ê tâng-phoàⁿ khi soaⁿ--nih, thang thi-khau goá choè chāi-sek-lú. ³⁸I kóng, Lí khi ah. Chiū chhe i khi nng-gêh-jít; i kap tâng-phoàⁿ khi, tī soaⁿ--nih ūi-tiòh i choè chāi-sek-lú thi-khau; ³⁹nng-gêh-jít í-keng moá, i tò-lâi kàu lâu-pē hia, lâu-pē chiū chiàu i só· hē ê goān khoán-thāi i; i lóng bô chhin-kūn ta-po·lâng. ⁴⁰Āu-lâi Í-sek-liát tiong ū chit ê lē, ták-nī Í-sek-liát chiaⁿ ê cha-bó·gín-ná khi tui-tō Ki-liát lêng Iâ-hut-tha ê cha-bó·kiáⁿ, múi-nī sī jít.

12 Í-hoat-liân lêng chū-chíp kàu pak-hng, tùi Iâ-hut-tha kóng, Lí kè-khi kap A-bûn lêng kau-chiàn, siáⁿ-sū bô kiò goán kap lí khi ah? goán beh ēng hé sio lí kap lí ê chhù. ²Iâ-hut-tha tùi in kóng, Goá kap goá ê peh-siⁿ kap A-bûn lêng toā kè-kàu; goá chio lín lâi, lín keng-jian bô kiū goá thoat-lī in ê chhiú; ³goá

khoàⁿ-kìⁿ lín bô lâi kiū goá, goá chiū piàⁿ-miā chin-chêng khi kong-kek A-bûn lêng; Iâ-hô-hoa chiong in kau tī goá ê chhiú, lín kin-á-jít siáⁿ-sū lâi goá chia, beh kap goá kau-chiàn ah? ⁴Iâ-hut-tha chiū chū-chíp Ki-liát ê chêng-lâng, kap Í-hoat-liân lêng kau-chiàn; Ki-liát lêng phah-sí Í-hoat-liân lêng, in-ūi in kóng, Lín Ki-liát lêng tī Í-hoat-liân Má-ná-se ê tiong-kan, sī Í-hoat-liân tô-cháu ê lêng. ⁵Ki-liát lêng tī Í-hoat-liân lêng ê thâu-chêng pé-siū Iok-tàn ê tō·kháu; Í-hoat-liân tô-cháu-ê nā kóng, Chhiáⁿ hō· goán kè-khi, Ki-liát lêng chiū mng i kóng, Lí sī Í-hoat-liân lêng á m-sī? ⁶I nā kóng, M-sī, chiū ká i kóng, Lí kóng Sī-pò·liát; i kóng choè Se-pò·liát, in-ūi in ê im kóng boē chiáⁿ; in chiū liáh i, thâi tī Iok-tàn ê tō·kháu; hit-sī Í-hoat-liân lêng siū-thâi-ê, sī-bān nng-chheng lêng.

⁷Iâ-hut-tha choè Í-sek-liát ê sū-su lāk-nī. Ki-liát lêng Iâ-hut-tha sí, bài-chòng tī Ki-liát ê chit ê siáⁿ.

⁸Iâ-hut-tha liáu-āu, ū Pek-lī-hêng lêng Í-pí-chàn choè Í-sek-liát ê sū-su; ⁹i ū saⁿ-cháp ê kiáⁿ, koh saⁿ-cháp ê cha-bó·kiáⁿ kè tī goā-kháu, iā tùi goā-kháu ká i ê kiáⁿ chhoā saⁿ-cháp ê sim-pū; i choè Í-sek-liát ê sū-su chhit-nī. ¹⁰Í-pí-chàn sí, bài-chòng tī Pek-lī-hêng.

¹¹I liáu-āu, ū Se-pò·lún lêng Í-lún choè Í-sek-liát ê sū-su; i choè Í-sek-liát ê sū-su chap-nī. ¹²Se-pò·lún lêng Í-lún sí, bài-chòng tī Se-pò·lún toē ê A-ngá-lūn.

¹³I liáu-āu, ū Pí-láh-tún lêng, Hi-liát ê kiáⁿ Ap-tùn, choè Í-sek-liát ê sū-su; ¹⁴i ū sī-cháp ê kiáⁿ, saⁿ-cháp ê sun, khiā chhit-cháp chiaⁿ lū-á; i choè Í-sek-liát ê sū-su poeh-nī. ¹⁵Pí-láh-tún lêng Hi-liát ê kiáⁿ Ap-tùn sí, bài-chòng tī Í-hoat-liân toē ê Pí-láh-tún, tī A-má-lék lêng ê soaⁿ-toē.

13 Í-sek-liát lāng koh kiāⁿ Iā-hô-hoa só· khoàⁿ-choè pháiⁿ ê sū; Iā-hô-hoa chiong in kau tī Hui-lī-sū lāng ê chhiú sī-cháp nī.

²Hit-sī ū chit ê Sô-lāh lāng, sī Tàn ê chók, miā-kiò Má-lô-à; i ê bó· bô hoài-īn, bô siⁿ. ³Iā-hô-hoa ê sù-chiá tui hit ê hū-jîn-lāng hián-hiān, kā i kóng, Lí pēng-sò· bô hoài-īn bô siⁿ, taⁿ beh hoài-īn siⁿ chit ê kiáⁿ. ⁴Sô-í lí tiòh soè-jī, pòh-chiú kàu-chiú lóng m̄-thang lim, bô chheng-khì ê mih iā lóng m̄-thang chiáh. ⁵In-ūi lí hoài-īn beh siⁿ chit ê kiáⁿ; thì thâu-m̄ng ê to m̄-thang kàu i ê thâu-khak; in-ūi chit ê gín-ná tui thai--nih chiū kui Siōng-tè choè Ná-sè-jīⁿ lāng; in-ūi i beh choè kiū Í-sek-liát ê thâu-chit-chām, thoat-lī Hui-lī-sū lāng ê chhiú. ⁶Hū-jîn-lāng lāi kā i ê tiōng-hu kóng, Ū chit ê Siōng-tè ê lāng kàu goá chia, i ê iōng-māu chhin-chhiūⁿ Siōng-tè sù-chiá ê iōng-māu, chin thang kiaⁿ; goá bô m̄ng i tui toh-lóh lāi, i iā bô ēng i ê miā kā goá kóng; ⁷chóng-sī kā goá kóng, Lí hoài-īn beh siⁿ chit ê kiáⁿ, só-í pòh-chiú kàu-chiú lóng m̄-thang lim, bô chheng-khì ê mih iā lóng m̄-thang chiáh; in-ūi chit ê gín-ná tui thai--nih kàu i sí ê jīt beh kui Siōng-tè choè Ná-sè-jīⁿ ê lāng.

⁸Má-lô-à chiū kiū Iā-hô-hoa kóng, Chú ah, kiū Lí hō· Lí só· chhe Siōng-tè ê lāng koh lāi goán chia, thang kà-sī goán cháiⁿ-iūⁿ khoán-thāi chit ê beh siⁿ ê kiáⁿ. ⁹Siōng-tè thiaⁿ Má-lô-à ê oē; hū-jîn-lāng chē tī chhân--nih ê sī Siōng-tè ê sù-chiá koh kàu i hia; chóng-sī i ê tiōng-hu Má-lô-à bô kap i tī-teh. ¹⁰Hu-jîn-lāng koáⁿ-kín cháu-khì, pò i ê tiōng-hu, kā i kóng, Hit-jīt lāi goá chia hit ê lāng koh tui goá chhut-hiān. ¹¹Má-lô-à khí-lāi tè i ê bó· kàu hit-lāng hia, kā i kóng, Bat kap chit ê hū-jîn-lāng kóng-oē ê, sī lí mah? I kóng, Sī goá.

¹²Má-lô-à kóng, Goān lí ê oē èng-giām; chit ê gín-ná tiòh chiàu sím-mih hoat, goán tiòh tui i cháiⁿ-iūⁿ kiāⁿ? ¹³Iā-hô-hoa ê sù-chiá tui Má-lô-à kóng, Goá kā hū-jîn-lāng só· kóng it-chhè ê sū, i lóng tiòh chim-chiok; ¹⁴kìⁿ-nā phû-tô só· chhut ê, i m̄-thang chiáh, pòh-chiú kàu-chiú lóng m̄-thang lim, it-chhè bô chheng-khì ê mih iā m̄-thang chiáh; kìⁿ goá só· bēng-lēng ê, i lóng tiòh chun-siú. ¹⁵Má-lô-à tui Iā-hô-hoa ê sù-chiá kóng, Chhiáⁿ lí hō· goá lâu--teh, goán thang kā lí pī-pān chit chiah soaⁿ-iūⁿ-á. ¹⁶Iā-hô-hoa ê sù-chiá kā Má-lô-à kóng, Lí sui-jian lâu goá, goá m̄-chiáh lí ê mih; lí nā pī-pān sio-chè, chiū tiòh hiān hō· Iā-hô-hoa. In-ūi Má-lô-à m̄-chai i sī Iā-hô-hoa ê sù-chiá. ¹⁷Má-lô-à kā Iā-hô-hoa ê sù-chiá kóng, Lí miā kiò sím-mih, kàu lí ê oē èng-giām ê sí, goán thang chun-keng lí? ¹⁸Iā-hô-hoa ê sù-chiá kā i kóng, Lí siáⁿ-sū m̄ng goá ê miā? goá ê miā sī kí-biāu--ê. ¹⁹Má-lô-à chiong chit chiah soaⁿ-iūⁿ-á kap sò--chè, tī chiòh-poān-téng lāi hiān hō· Iā-hô-hoa; sù-chiá kiāⁿ kí-koài ê sū, Má-lô-à kap i ê bó· khoàⁿ-kìⁿ. ²⁰In-ūi hé-iam tui toān-téng chhèng-chiūⁿ thiⁿ ê sí, Iā-hô-hoa ê sù-chiá tī toān-téng ê hé-iam-tiong iā chiūⁿ-khì. Má-lô-à kap i ê bó· khoàⁿ-kìⁿ, chiū phak tī toē--nih. ²¹Iā-hô-hoa ê sù-chiá bô koh chhut-hiān hō· Má-lô-à kap i ê bó· khoàⁿ-kìⁿ, Má-lô-à chiah chai i sī Iā-hô-hoa ê sù-chiá. ²²Má-lô-à kā i ê bó· kóng, Lán tek-khak oē sí, in-ūi lán ū khoàⁿ-kìⁿ Siōng-tè. ²³I ê bó· chiū kā i kóng, Iā-hô-hoa nā beh hō· lán sí, tek-khak bô tui lán ê chhiú chiap-láp sio-chè kap sò--chè, koh bô chiong chiah ê it-chhè ê sū chí-sī lán, chit-tiáp iā bô chiong che sū kā lán kóng. ²⁴Āu-lāi hū-jîn-lāng siⁿ chit ê kiáⁿ, kā i hō-miā kiò Chham-sun; gín-ná toā-hàn, Iā-hô-hoa sù-hok i. ²⁵Tī Má-hap-nī-tàn, chiū-sī

Só-láh kap Í-sít-tô ê tiong-kan, Iâ-hô-hoa ê Sîn khí-thâu kám-tông i.

14 Chham-sun lóh-khì Têng-ná, tī Têng-ná khoàⁿ-kìⁿ chit ê cha-bó[·]-gín-ná, chiū-sī Hui-lī-sū lāng ê cha-bó[·]-kiáⁿ. ²Chham-sun chiūⁿ-khì kā i lāu-pē lāu-bú kóng, Goá tī Têng-ná khoàⁿ-kìⁿ chit ê cha-bó[·]-gín-ná, sī Hui-lī-sū lāng ê cha-bó[·]-kiáⁿ; goān lín kā goá chhoā i lāi choè-bó[·]. ³I ê lāu-pē i ê lāu-bú kā i kóng, Tī lí hiaⁿ-tī tiong ê cha-bó[·]-gín-ná, á-sī tī lán peh-siⁿ tiong, kiám bô chit ê cha-bó[·]-gín-ná, tì-kàu lí khì tī bô siū kat-lé ê Hui-lī-sū lāng tiong chhoā-bó[·] ah? Chham-sun kā i ê lāu-pē kóng, Goān lí kā goá chhoā i; in-ūi i sī goá kah-ì ê. ⁴Chóng-sī i ê lāu-pē i ê lāu-bú m̄-chai chit ê sū sī chhut tī Iâ-hô-hoa; in-ūi I chhē ki-hoē kong-kek Hui-lī-sū. Hit-sī Hui-lī-sū lāng koán-hat Í-sek-liát.

⁵Chham-sun kap i ê pē-bú lóh-khì Têng-ná, kàu Têng-ná ê phû-tô-hng; tú-tng ũ chit chiah sai-á-thûn háu lāi oá i. ⁶Iâ-hô-hoa ê Sîn toā-toā lîm-kàu Chham-sun, i ê chhiú bô ke-si, iā thiah-lîh i, chhin-chhiūⁿ thiah-lîh soaⁿ-iūⁿ-á chit-iūⁿ; i iā bô kā i ê pē-bú kóng i só[·] kiâⁿ ê sū. ⁷I lóh-khì kap cha-bó[·]-gín-ná kóng oē; i sī Chham-sun só[·] kah-ì ê. ⁸Koh ũ hiah-kú, tò-túg beh lāi chhoā i, oat tui lō[·]-piⁿ beh khoàⁿ sí ê sai, khoàⁿ-kìⁿ ũ chit siū phang kap bit tī sai ê sin-si-lāi; ⁹chhiú thêh bit khì kiâⁿ, ná-kiâⁿ ná-chiá^h; kàu i ê pē-bú hia, chiū hō[·] in, in iā chiá^h; chóng-sī bô kā i kóng chit ê bit sī tui sai ê sin-si thêh-lāi-ê.

¹⁰I ê lāu-pē lóh-khì kàu cha-bó[·]-gín-ná hia; Chham-sun tī-hia siat iân-siá^h; in-ūi pêng-sò[·] siâu-liân lāng lóng ũ chit hō[·] ê hong-siók. ¹¹In khoàⁿ-kìⁿ Chham-sun, chiū chhoā saⁿ-cháp ê phoāⁿ lāi poē i. ¹²Chham-sun kā in kóng, Goá taⁿ beh chhut chit ê chhai hō[·] lín; lín tī

iân-siá^h ê chhit-jit-lāi nā oē chhai-chhut ì-sù lāi kā goá kóng, goá chiū beh hō[·] lín saⁿ-cháp niá ê iù-toē saⁿ, saⁿ-cháp thò ê goā-saⁿ; ¹³lín nā boē-oē kā goá kóng, lín chiū tiòh hō[·] goá saⁿ-cháp niá ê iù-toē saⁿ, saⁿ-cháp thò ê goā-saⁿ. In kóng, Chhiáⁿ chhut lí ê chhai hō[·] goán thiaⁿ. ¹⁴I chiū kā in kóng,

Tui chiá^h-ê chhut chiá^h-mih;

Tui kiông-ê chhut tīⁿ.

In saⁿ-jit kú chhai boē chhut. ¹⁵Kàu tē-chhit jit, in kā Chham-sun ê bó[·] kóng, Lí tiòh lâu lí ê tiông-hu, hō[·] i ēng chhai ê ì-sù kā goán kóng, bián-tit goán ēng hé sio lí kap lí ê lāu-pē ê chhū; lín chhiáⁿ goán lāi, sī beh chhiúⁿ goán á-m-sī? ¹⁶Chham-sun ê bó[·] thī-khau tī i ê bīn-chēng kóng, Lí sī oàn-hūn goá, m̄-sī thiaⁿ goá; in-ūi lí chhut-chhai hō[·] goá pún-kok ê lāng, iā bô kā goá kóng-bēng. I in i kóng, Liân goá ê lāu-pē lāu-bú to[·] bô kā i kóng, kiám thang kā lí kóng mah? ¹⁷Tī iân-siá^h ê chhit-jit-lāi, i thī-khau tī i ê tiông-hu ê bīn-chēng; kàu tē-chhit jit chiū kā i kóng; in-ūi i pek i chin-thiám; i ê bó[·] chiū kā i pún-kok ê lāng kóng. ¹⁸Kàu tē-chhit jit, jit iáu-bē lóh ê tãi-seng, siâⁿ-lāi ê peh-siⁿ kā Chham-sun kóng, Ū sím-mih pí bit khah-tiⁿ ah? ũ sím-mih pí sai khah-kiông ah? Chham-sun kā in kóng,

Lín nā m̄-sī ēng goá ê gū-chéng-á loē-chhân, Goá ê chhai chiū chhai-boē-chhut.

¹⁹Iâ-hô-hoa ê Sîn toā-toā lîm-kàu Chham-sun, i chiū lóh-khì kàu A-sít-ki-lún, thāi-sí in tiong-kan saⁿ-cháp lāng, chhiúⁿ in, chiong hiah ê saⁿ hō[·] chhai-tiòh ê lāng. Chham-sun toā siū-khì, chiū chiūⁿ-khì in lāu-pē ê ke. ²⁰Chham-sun ê bó[·] chiū kè hō[·] i ê poē-phoāⁿ, chiū-sī Chham-sun ēng choè i ê pêng-iú ê.

15 Koh ũ hiah-kú, kàu koah-bēh ê sí,

Chham-sun toà chít chiah soaⁿ-iūⁿ-á khi chhē i ê bó·, kóng, Goá beh jlp pâng chhē goá ê bó·; i ê tiūⁿ-lâng m̄-chún i jlp. ²Tiūⁿ-lâng kóng, Goá àn-sng lí sít-chāi oàn-hūn i, in-ūi án-ni goá chiong i hō· lí ê poê-phoāⁿ; i ê sió-bē kiám-m̄-sī pí i khah-súi mah? Chhiáⁿ lí chhoā lâi thoè i. ³Chham-sun kā in kóng, Chit-pái goá siong-hāi Hui-lī-sū lâng, in bô thang chek-choē goá. ⁴Chham-sun chiū khi liáh saⁿ-pah chiah hô·-lī, koh toà hé-pé, chiong hô·-lī bé nng-chiah nng-chiah pák saⁿ-liâm, chiong hé-pé pák tī nng-ki bé ê tiong-kan; ⁵hé-pé tiám-tóh chiū pàng hô·-lī jlp Hui-lī-sū lâng iáu-bē siu-koah ê gō·-kak, sio i kui-khún--ê, kap i bē-koah ê gō·-kak, í-kip kaⁿ-ná-hng, lóng sio-khì. ⁶Hui-lī-sū lâng kóng, Chit ê sū chī-chūi choè ê ah? In kóng, Sī Tēng-ná lâng ê kiáⁿ-sài Chham-sun; in-ūi i ê tiūⁿ-lâng chiong i ê bó· hō· i ê poê-phoāⁿ, Hui-lī-sū lâng chiū chiūⁿ-khì, ēng hé sio hū-jîn-lâng kap i ê lâu-pē. ⁷Chham-sun tui Hui-lī-sū lâng kóng, Lín kì-jian kiáⁿ án-ni, goá beh tui lín pò-siū, chiah beh soah. ⁸Chham-sun chiū toā-toā phah-sí in, sin-si saⁿ-tháh; chiū lóh-khì tiàm tī Í-thán ê chióh-thâu-khang.

⁹Hui-lī-sū lâng chiūⁿ-khì chat-iāⁿ tī Iū-tāi, hun-soàⁿ tī Lī-hi. ¹⁰Iū-tāi lâng kóng, Lín siáⁿ-sū chiūⁿ-lâi kong-kek goán ah? In kóng, Goán chiūⁿ-lâi sī beh khún-pák Chham-sun; i khoán-thāi goán cháiⁿ-iūⁿ, goán iā beh án-ni khoán-thāi i. ¹¹Tui án-ni Iū-tāi saⁿ-chheng lâng kàu Í-thán ê chióh-thâu-khang, tui Chham-sun kóng, Hui-lī-sū lâng koán-hat lán, lí m̄-chai mah? lí siáⁿ-sū choè chit ê sū hō· goán ah? In kóng, In cháiⁿ-iūⁿ khoán-thāi goá, goá iā án-ni khoán-thāi in. ¹²Iū-tāi lâng kā i kóng, Goán lóh-lâi sī beh khún-pák lí, chiong lí kau tī Hui-lī-sū lâng ê chhiú.

Chham-sun kā in kóng, Lín tióh tui goá chiū-choā, lín pún-sin bô beh hāi goá. ¹³In tui i kóng, Bô, chí-ū beh khún-pák lí kau tī in ê chhiú, goán tek-khak bô hāi-sí lí. Chiū ēng nng tiâu sin ê soh khún-pák i, tui chióh-poāⁿ toà i chiūⁿ-khì. ¹⁴Chham-sun kàu Lī-hi, Hui-lī-sū lâng tú-tiòh chiū hoah. Iā-hô-hoa ê Sín toā-toā līm-kàu i, i chhiú--nih ê soh chiū chhin-chhiūⁿ kè-hé sio ê môa, só· pák i ê soh chiū tui i ê chhiú lak--lòh-khì. ¹⁵I khoàⁿ-kìⁿ lū chít ki sin ê chhui-phoé-kut, chiū chhun-chhiú khioh i, ēng lâi phah-sí chit-chheng lâng. ¹⁶Chham-sun kóng,

Goá ēng lū ê chhui-phoé-kut, phah-sí lâng chit-tui chit-tui,

Goá ēng lū ê chhui-phoé-kut phah-sí chit-chheng lâng.

¹⁷Kóng soah, chiū chiong chhiú--nih ê chhui-phoé-kut hiat-kák; hit só·-chāi chiū kiò Láh-boát-lī-hi. ¹⁸Chham-sun chhui-ta kàu-kek, chiū kiū-kiò Iā-hô-hoa kóng, Lí kì-jian ēng Lí ê lô·-pók ê chhiú kiáⁿ chiah-toā ê chín-kiù, chóng-bô goá taⁿ tióh chhui-ta lâi sí, hām-lóh tī bô siū kat-lé ê lâng ê chhiú mah? ¹⁹Siōng-tè chiū hō· Lī-hi lap-u ê só·-chāi līh-khui, ū chúi tui-hia chheng--chhut lâi, Chham-sun līm-liáu cheng-sin hók-tò, koh oáh-tāng; tui án-ni hō hit ê chúi-choāⁿ kiò Ún-hap-ko-lī; hit ê chúi-choāⁿ kàu kin-á-jit iáu tī Lī-hi. ²⁰Tng Hui-lī-sū lâng ê sí, Chham-sun choè Í-sek-liát ê sū-su jī-cháp nī.

16 Chham-sun kàu Ka-sat, tī-hia khoàⁿ-kìⁿ chít ê kī-lú, chiū chhin-kūn i. ²Ū lâng kā Ka-sat lâng kóng, Chham-sun kàu chia; in chiū thau-mī ūi i, tī siāⁿ-mng tng-tán i, thong-mī chēng-chēng, kóng, Kàu thiⁿ-kng-chá lán chiū thang thāi i. ³Chham-sun khùn kàu poāⁿ-mī; tī poāⁿ-mī khí-lâi, chiong siāⁿ-

m̄ng ē m̄ng-sìⁿ, kap n̄ng ki m̄ng-khiā, kap m̄ng-kōng, lóng thiāh--khí-lâi, hē tī keng-thâu--nih, giā kàu Hi-pek-lûn tùi-bīn ē soaⁿ-téng.

⁴Āu-lâi Chham-sun tī So-liát soaⁿ-kok loân-ài chit ē cha-bó·-lâng miā kiò Tāi-lī-lâh.

⁵Hui-lī-sū lāng hiah ē siú-léng chiūⁿ-khì kīⁿ hit ē cha-bó·-lâng, tùi i kóng, Lí tiòh lâu Chham-sun, khoàⁿ i ē toā khùi-lát chāi-tī toh-lóh, goán cháiⁿ-iūⁿ chiaⁿ oē iāⁿ i, thang pák lâi khùn-khó· i; goán chiū ták-lāng hō· lí chit-chheng chit-pah gūn. ⁶Tāi-lī-lâh ká Chham-sun kóng, Kiū lí ká goá kóng, lí ē toā khùi-lát chāi-tī toh-lóh, tiòh cháiⁿ-iūⁿ chiaⁿ oē pák lí, khùn-khó· lí. ⁷Chham-sun ìn kóng, Lāng nā ēng chhit-tiâu iáu-bē ta, chhiⁿ ē tīn-á pák goá, goá chiū loán-jiók chhin-chhiūⁿ pát-lāng.

⁸Tùi án-ni Hui-lī-sū lāng hiah ē siú-léng thèh chhit-tiâu iáu-bē ta, chhiⁿ ē tīn-á lâi, kau hō· hū-jîn-lāng, i chiū ēng hit-ê lâi pák i. ⁹Hū-jîn-lāng í-keng ū bài-hók lāng tī i ē lâi-pāng; hū-jîn-lāng kóng, Chham-sun ah, Hui-lī-sū lāng lâi beh liáh lí. Chham-sun chiū chhoah-t̄ng tīn-á, chhin-chhiūⁿ chhoah-t̄ng keng-kè hé ē moá-si chit-iūⁿ; án-ni i ē toā khùi-lát lāng iū-goân m̄-chai. ¹⁰Tāi-lī-lâh ká Chham-sun kóng, Lí phiàn goá, tùi goá kóng pèh-chhát; taⁿ kiū lí ká goá kóng tiòh cháiⁿ-iūⁿ chiaⁿ oē pák lí. ¹¹Chham-sun ìn kóng, Lāng nā ēng bēbat ēng ē sin soh pák goá, goá chiū loán-jiók chhin-chhiūⁿ pát-lāng. ¹²Tāi-lī-lâh chiū ēng sin soh pák i, tùi i kóng, Chham-sun ah, Hui-lī-sū lāng lâi beh liáh lí. Hit-sī bài-hók ē lāng bih tī lâi-pāng; Chham-sun chiū chhoah-t̄ng i chhiú-kut--nih ē soh, chhin-chhiūⁿ chhoah-t̄ng chit tiâu soàⁿ. ¹³Tāi-lī-lâh ká Chham-sun kóng, Lí kàu-taⁿ iáu phiàn goá, tùi goá kóng pèh-chhát; kiū lí ká goá kóng, tiòh cháiⁿ-iūⁿ

chiaⁿ oē pák lí. Chham-sun ìn kóng, Lí nā ēng chhit-kó· ē thâu-m̄ng kap hūi-soàⁿ saⁿ-kap chit, chiū oē. ¹⁴Hū-jîn-lāng chiū, ēng teng teng i ē thâu-m̄ng, ká i kóng, Chham-sun ah, Hui-lī-sū lāng lâi beh liáh lí. Chham-sun chiū chhiⁿ, chiong pò·kui ē teng kap hūi-soàⁿ, choè chit-ē puih--chhut-lâi. ¹⁵Tāi-lī-lâh ká i kóng, Lí ē sim bô liân tī goá; cháiⁿ-iūⁿ kóng lí thiàⁿ goá? lí í-keng phiàn goá saⁿ-pái, bô ká goá kóng, lí ē khùi-lát chāi-tī toh-lóh. ¹⁶Tāi-lī-lâh jít-jít ēng oē chhui i, pek i, tì-kàu i ē sim ut-būn, kàu beh sí. ¹⁷chiū chiong i ē sim-toé só·-khèng-ê lóng pò i, ká i kóng, Éng m̄-bat ū thì-thâu-to kàu goá ē thâu-khak; in-tūi goá tùi bú-thai chiū kui Siōng-tè choè Ná-sè-jīm lāng; nā ká goá thì--khí-lâi, goá ē khùi-lát chiū lī-khui goá, goá chiū loán-jiók chhin-chhiūⁿ pát-lāng.

¹⁸Tāi-lī-lâh khoàⁿ-kìⁿ i chiong sim-toé só·-khèng-ê lóng ká i kóng, chiū chhe lāng kiò Hui-lī-sū lāng ē siú-léng, ká in kóng, Chhiáⁿ lín chit-pái koh chiūⁿ-lâi, in-tūi i í-keng chiong sim-toé só·-khèng-ê lóng ká goá kóng. Hui-lī-sū lāng ē siú-léng chiūⁿ-khì hū-jîn-lāng hia, hit ē gūn toà tī chhiú--nih. ¹⁹I chiū hō· Chham-sun khùn tī i ē kha-thâu-u, kiò chit-lāng lâi thì i chhit-kó· ē thâu-m̄ng; tùi án-ni khùn-khó· i, i ē khùi-lát chiū lī-khui i. ²⁰I kóng, Chham-sun ah, Hui-lī-sū lāng lâi beh liáh lí. Chham-sun khùn chiū chhiⁿ, sim-lâi kóng, Goá beh chhin-chhiūⁿ chēng kúi-nā pái ka-kī kùn-khui; chóng-sī i m̄-chai Iá-hô-hoa í-keng lī-khui i. ²¹Hui-lī-sū lāng liáh i, iah i ē bák-chiu, toà i kàu Ka-sat, ēng tâng-liân pák i; i chiū tī kaⁿ--nih oe-bō. ²²Nā-sī i ē thâu-m̄ng siū thì liáu-āu, koh chiām-chiām t̄ng--khí-lâi.

²³Hui-lī-sū lāng hiah ē siú-léng chū-chíp,

beh hiàn toā-chè hō· in ê siōng-tè Tāi-kún, iā beh iàn-lók; in-ūi in kóng, Lán ê siōng-tè chiong lán ê tui-ték Chham-sun kau tī lán ê chhiú lah. ²⁴Peh-siⁿ khoàⁿ-kìⁿ Chham-sun, chiū o-ló in ê siōng-tè, kóng, Lán ê tui-ték húi lán ê toē, koh thāi-sí lán choē-choē lāng ê, taⁿ lán ê siōng-tè í-keng chiong i kau tī lán ê chhiú. ²⁵In iàn-lók ê, chiū kóng, Kiò Chham-sun lái, hō· lán lāng thit-thô; in chiū kiò Chham-sun chhut-kaⁿ; i chiū hō· in lāng thit-thô; in hō· i khiā tī n̄g ki thiāu ê tiong-kan. ²⁶Chham-sun kā khan i ê chhiú ê gín-ná kóng, Chhiáⁿ lí hō· goá bong--tióh thuh-chhù ê thiāu, hō· goá oà in. ²⁷Hit-sí chhù-lāi lâm-lú moá-moá; Hui-lī-sū lāng ê cheng siú-léng iā lóng tī-hia; chhù-téng lâm-lú iok-liók ū saⁿ-chheng lāng, khoàⁿ lāng teh lāng Chham-sun thit-thô. ²⁸Chham-sun kī-tó Iā-hô-hoa kóng, Chú Iā-hô-hoa ah, kiū Lí siāu-liām goá, Siōng-tè ah, kiū Lí sù goá chīn chit-pái ê khui-lát, hō· goá ūi goá n̄g lúi bák-chiu, tui Hui-lī-sū lāng choē chit-ē pò-siū. ²⁹Chham-sun chiū lám thuh hit keng chhù ê n̄g-ki tiong-thiāu, lái oà i, chiāⁿ-chhiú lám chit-ki, tò-chhiú lám chit-ki. ³⁰Chham-sun kóng, Goān goá kap Hui-lī-sū lāng saⁿ-kap sí. Chiū chīn-lát khut-sin; chhù chiū tó, lái teh tī hiah ê siú-léng, kap tī hí lái-bīn ê cheng-lāng. Án-ni, Chham-sun sí ê sí só· hāi-sí-ê, pí oáh ê sí só· hāi-sí-ê koh khah-choē. ³¹Chham-sun ê hiaⁿ-tī, kap i ê lāu-pē choān-ke, lóng lóh-lái siu-síp i, kng chiūⁿ-khì bài-chòng tī Só-láh kap Í-sit-tô ê tiong-kan, tī i ê lāu-pē Má-lô-à ê bōng-toē. Chham-sun choē Í-sek-liát ê sū-su jī-cháp nī.

17 Í-hoat-liân soaⁿ-toē ū chit ê lāng, miā-kiò Bí-ka; i kā lāu-bú kóng, Lí hit chit-chheng chit-pah gūn hō· lāng thēh-khì, lí in-ūi án-ni chiū-chó, koh kóng hō· goá thiaⁿ, khoàⁿ ah,

chit ê gūn tī goá chia; sī goá thēh--khì. I ê lāu-bú kóng, Goān Iā-hô-hoa sù-hok goá ê kiáⁿ. ³I chiū chiong chheng-it gūn hēng i ê lāu-bú; i ê lāu-bú kóng, Goá í-keng tui goá ê chhiú ēng chit ê gūn, ūi goá ê kiáⁿ, hiàn hō· Iā-hô-hoa, thang tiau-khek chit sian siōng, chū chit sian siōng; taⁿ goá iū-goān koh kau lí. ⁴Bí-ka chiong gūn hēng i ê lāu-bú; i ê lāu-bú ēng n̄g-pah gūn hō· chū-chō ê lāng, i chiū ēng hit-ē choē tiau-khek ê ngó-siōng, chū ê ngó-siōng; hē i tī Bí-ka ê chhù. ⁵Chit ê Bí-ka ū siōng-tè ê chhù, koh chē-chō í-hut-tek, kap ke-lāi hiah ê ngó-siōng, kiāⁿ siat-líp ê lé, hun-piat i chit ê kiáⁿ choē i ê chē-si. ⁶Hit-sí Í-sek-liát tiong bō-ōng; ták-lāng chiāu i só· khoàⁿ-choē tióh--ê lái kiáⁿ.

⁷Iū-tāi Pek-lī-hēng ū chit ê siāu-liân lāng, siók Iū-tāi chók ê Lī-bī lāng, i kiā-kha tī-hia. ⁸Chit-lāng lī-khui Iū-tāi Pek-lī-hēng siāⁿ, beh chhē chit-ē thang khiā-khí ê só-chāi; kiāⁿ-lō· ê sí, kàu Í-hoat-liân ê soaⁿ-toē, Bí-ka ê chhù. ⁹Bí-ka m̄g i kóng, Lí tui toh-lóh lái? I in kóng, Goá sī Iū-tāi Pek-lī-hēng ê Lī-bī lāng, beh chhē chit-ē thang khiā-khí ê só-chāi. ¹⁰Bí-ka kā i kóng, Lí lái kap goá toà, choē goá ê lāu-pē, choē goá ê chē-si; goá ták-nī hō· lí cháp ê gūn-á, chit-hū i-chiūⁿ, kap lí ê jīt-sit. Lī-bī lāng chiū jīt-khì. ¹¹Lī-bī lāng kam-goān kap hit-lāng saⁿ-kap toà. Bí-ka khoàⁿ chit ê siāu-liân lāng chhin-chhiūⁿ ka-kī ê kiáⁿ. ¹²Bí-ka kā Lī-bī lāng kiāⁿ siat-líp ê lé; siāu-liân lāng chiū choē i ê chē-si, lái toà tī i ê chhù. ¹³Bí-ka kóng, Taⁿ goá chai Iā-hô-hoa beh hó khoán-thāi goá, in-ūi goá ū chit ê Lī-bī lāng choē chē-si.

18 Hit-sí Í-sek-liát tiong bō-ōng; hit-sí Tàn ê lāng ê chi-phài chhē toē choē-giáp thang khiā-khí; in-ūi kàu hit-jīt, tī Í-sek-liát

chi-phài-tiong, in iáu-bē tit-tiòh giáp. ²Tàn ê lâng tui Só-láh kap Í-sit-tô, chhe pún-chók, cheng peh-siⁿ tiong, gō· ê íóng-sū, khi thau-khoàⁿ hit ê toē lâi chhâ-khó, hoan-hù in kóng, Lín khi chhâ-khó hit ê toē; in lâi kàu Í-hoat-liân soaⁿ, jlp Bí-ka ê chhù, chiū hioh tī-hia. ³In kùn Bí-ka ê chhù, jīm-tiòh hit ê siàu-liân Lī-bī lâng ê siaⁿ-im, chiū jlp-khì m̄ng i, Chī-chūi chhoā lí lâi chia? lí tī chia choē sím-mih? lí tī chia tit-tiòh sím-mih? ⁴I kóng, Bí-ka khoán-thāi goá án-ni, án-ni; i ū chhiāⁿ goá, goá choē i ê chē-si. ⁵In kā i kóng, Chhiāⁿ lí m̄ng Siōng-tè, hō· goán chai goán só· teh kiāⁿ ê lō·, heng-thong á-bô? ⁶Chē-si kā in kóng, Lín thang pēng-an khi; lín só· kiāⁿ ê lō· sī tī Iā-hô-hoa ê bīn-cheng.

⁷Gō·lâng chiū khí-sin, lâi kàu Láh-ek, khoàⁿ-kìⁿ hia ê peh-siⁿ, an-jiân khiā-khí, pēng-an, bô khoàⁿ-lū, chhin-chhiūⁿ Se-tùn lâng chit-iūⁿ; tī-hia bô ū chiáng-koan ēng sím-mih sū lâi kiáu-jiáu in, in lī-khui Se-tùn lâng h̄ng-h̄ng, bô kap pát-lâng óng-lâi. ⁸Gō·lâng tò-lâi kàu Só-láh Í-sit-tô in hiaⁿ-tī hia; hiaⁿ-tī m̄ng in kóng, Lín ū sím-mih oē? ⁹In in kóng, Khí-lâi, lán chiūⁿ-lâi khi kong-kek in, in-ūi goán í-keng khoàⁿ hit ê toē; khoàⁿ ah, hit ê toē chin-hó; lín siáⁿ-sū tiām-tiām? tiòh lâi khi jlp, tit-tiòh hit ê toē choē-giáp, m̄-thang iân-chhiân. ¹⁰Lín kàu hia, beh khoàⁿ an-jiân khiā-khí ê peh-siⁿ, só·-chāi iā khui-khoah; Siōng-tè í-keng chiong hit só·-chāi kau tī lín ê chhiú; toē-chiūⁿ só· ū ê mih, hit só·-chāi bô khiām chit-hāng.

¹¹Tui án-ni Tàn chók ê lāk-pah lâng, ták-ê toà kun-khì, tui Só-láh kap Í-sit-tô chìn-cheng khi. ¹²In chiūⁿ-khi chat-iāⁿ tī Iū-tāi ê Ki-liát-iā-lim; só·-í kiò chit só·-chāi miā Má-hap-lī-tàn, kàu kin-á-jit; khoàⁿ ah, che sī tī Ki-liát-

iā-lim ê āu-bīn. ¹³In tui-hia khi Í-hoat-liân soaⁿ-toē, kàu Bí-ka ê chhù. ¹⁴Chiōng-cheng thau-khoàⁿ Láh-ek toē ê gō·lâng, kā in ê hiaⁿ-tī kóng, Chiah ê chhù-lâi ū í-hut-tek, kap ke-lâi ngó·-siōng, kap tiau-khek ê siōng, chū ê siōng, lín chai mah? Tāⁿ lín tiòh siūⁿ, khoàⁿ beh cháiⁿ-iūⁿ choē. ¹⁵In chiū oat-khì hia, kàu hit ê siàu-liân ê Lī-bī lâng ê chhù, chiū-sī Bí-ka ê chhù, m̄ng i pēng-an. ¹⁶Tàn chók hiah ê lāk-pah lâng toà kun-khì, lóng khiā tī m̄ng-kháu. ¹⁷Thau-khoàⁿ toē ê gō·lâng chiū jlp-khì, chiong tiau-khek ê siōng, í-hut-tek, ke-lâi ê siōng, kap chū ê siōng lóng thēh-khì; chē-si kap toà kun-khì ê lāk-pah lâng saⁿ-kap khiā tī m̄ng-kháu. ¹⁸Hí gō·lâng jlp Bí-ka ê chhù, thēh tiau-khek ê ngó·-siōng, í-hut-tek, ke-lâi ê ngó·-siōng, kap chū ê siōng, chē-si chiū m̄ng in kóng, Lín choē sím-mih ah? ¹⁹In in kóng, Bôh-tit choē-siaⁿ, ēng chhiú ng-chhùi, tè goán lâi khi, choē goán ê pē, choē goán ê chē-si; lí choē chit-lâng ê ke ê chē-si khah-hó, á-sī choē Í-sek-liát chit chi-phài chit-chók ê chē-si khah-hó ah? ²⁰Chē-si sim hoaⁿ-hí, chiū thēh í-hut-tek, kap ke-lâi ê ngó·-siōng, kap tiau-khek ê siōng, kiāⁿ tī peh-siⁿ ê tiong-kan. ²¹In chiū oat-túg-sin lī-khui hia, hō· gín-ná, cheng-siⁿ, hē-chāi, choē thau-cheng. ²²Lī-khui Bí-ka ê chhù chám-jiân h̄ng, Bí-ka hiah ê chhù-piⁿ lóng chū-chíp, tui-koáⁿ Tàn ê lâng; âu-kiò Tàn ê lâng. ²³Tàn ê lâng oat-thau khoàⁿ, m̄ng Bí-ka kóng, Lí chū-chíp hiah ê lâng lâi, sī sím-mih tãi-chi ah? ²⁴I kóng, Goá só· chng ê siōng-tè kap chē-si, lín lóng toà-khì, goá iáu ū chhun sím-mih? cháiⁿ-iūⁿ iáu m̄ng goá kóng, Lí sím-mih tãi-chi ah? ²⁵Tàn ê lâng kā i kóng, Lí m̄-thang hō· goán thiaⁿ-kìⁿ lí ê siaⁿ, kiaⁿ-liáu sò-seng ê lâng lâi káng lín, tì-kau lí kap choân-ke lóng sit-lóh siⁿ-miā. ²⁶Tàn ê lâng

choè in kiâⁿ; Bí-ka khoàⁿ-kìⁿ in pí i khah-kiông, chiū oát-tng-sin tò-khì i ê chhù.

²⁷In toà Bí-ka só·choè-ê, kap i só·ū ê chè-si, kàu Láh-ek, khoàⁿ-kìⁿ an-jiân bô khoà-lū ê peh-sìⁿ, chiū ēng to thài-sí in, koh pàng hé sio hit ê siâⁿ; ²⁸iā bô lāng chín-kiù, in-ūi lī-khui Se-tùn chín hng, in koh bô kap pát-lāng óng-lái; hit ê siâⁿ tī hit ê oá-kūn Pek-lī-háp ê soaⁿ-kok. ²⁹Tàn ê lāng koh tī-hia khí siâⁿ lái khiā-khí; chiàu in chók-kong Í-sek-liát ê kiáⁿ Tàn ê miâ, kiò hit ê siâⁿ miâ Tàn; hit ê siâⁿ khí-thâu miâ-kiò Láh-ek. ³⁰Tàn ê lāng chiū ūi ka-kī chhāi hit ê tiau-khek ê siōng; Mô·se ê sun, Kek-sūn ê kiáⁿ, Iok-ná-tan, kap i ê kiáⁿ-sun, choè Tàn ê chi-phài ê chè-si, tít-kàu hit toē-hng ê lāng tú-tiòh liáh ê jít. ³¹Siōng-tè ê chhù tī Sī-lô hiah ê jít, Tàn ê lāng ūi ka-kī chhāi Bí-ka só· choè tiau-khek ê siōng.

19 Tng Í-sek-liát bô ông ê sī, ū kià-kha tī Í-hoat-liân soaⁿ-toē hit-pēng ê chít ê Lī-bī lāng, chhoā chít ê Iū-tāi Pek-lī-hēng ê cha-bók-gín-ná choè soè-î; soè-î kiáⁿ-im poē i ê tiōng-hu, lī-khui i tò-khì Iū-tāi Pek-lī-hēng, kàu lāu-pē ê ke, toà hia sì-gēh-jít. ³I ê tiōng-hu khí-lái, toà chít ê lô-pók nng chia hū khí jip i, beh ēng hó-oē an-ùì i, chhoā i tò-lái; i chiū chhoā i jip lāu-pē ê chhù; hū-jin-lāng ê lāu-pē khoàⁿ-kìⁿ, chiū hoan-gēng i. ⁴I ê tiūⁿ-lāng, chiū-sī cha-bók-gín-ná ê lāu-pē, lâu i; i chiū kap i toà saⁿ-jít; in chiū saⁿ-kap lim-chiáh, tiām tī-hia. ⁵Kàu tē-sì jít, in thàu-chá khí-lái, i beh khí-sin khi; cha-bók-gín-ná ê lāu-pē ká kiáⁿ-sài kóng, Chhiáⁿ lí chiáh tām-póh piáⁿ choè tiám-sim, āu-lái chia hng thang khí-sin kiáⁿ. ⁶Nng-lāng chiū chē-lóh-khì, saⁿ-kap lim-chiáh; cha-bók-gín-ná ê lāu-pē tui hit-lāng kóng, Chhiáⁿ lí hoaⁿ-hí koh tiām chít-mī, hō· lí ê sim khoài-lók. ⁷Hit-lāng khí-lái beh khí-

sin, i ê tiūⁿ-lāng kiông-kiông lâu i; i chiū koh hioh chít-mī. ⁸Kàu tē-gō· jít, i thàu-chá khí-lái beh khí-sin; cha-bók-gín-ná ê lāu-pē ká i kóng, Chhiáⁿ lí koh tiám-sim, thēng-hāu kàu jít chhiā-sai; in nng lāng chiū saⁿ-kap chiáh. ⁹Hit-lāng kap i ê soè-î kap lô-pók khí-lái beh khí kiáⁿ; i ê tiūⁿ-lāng, chiū-sī cha-bók-gín-ná ê lāu-pē, ká i kóng, Khoàⁿ ah, jít beh àm, chhiáⁿ lí koh hioh chít-mī, jít beh lóh lah; lí tiòh hioh chia, hō· lí ê sim khoài-lók; bìn-á-jít thàu-chá khí-sin tò-khì lín tau. ¹⁰Hit-lāng m-khéng koh hioh chít-mī, chiū khí-lái khí-sin, kàu Iā-pò·su ê tui-bīn, Iā-pò·su chiū-sī Iā-lō·sat-léng; nng-chiah koà-oaⁿ ê lū, í-kíp i ê soè-î, kap i khi; ¹¹kiáⁿ kūn Iā-pò·su ê sī, jít í-keng beh lóh; lô-pók ká chú-lāng kóng, Lái ah, lán m-tát-tiòh oat-jip Iā-pò·su lāng chít ê siâⁿ, hioh-mī tī-hia. ¹²Chú-lāng kóng, Lán bô beh oat-jip goā-pang lāng ê siâⁿ, chiū-sī bô siók Í-sek-liát lāng ê; khah-hó lán tiòh kè-lái Ki-pí-a; ¹³koh ká lô-pók kóng, Lái, lán tiòh khi chia hng ê só·chāi ê chít-ê, lái hioh tī Ki-pí-a, á-sī Láh-má. ¹⁴In chiū chín-chēng khi; chiong-kūn Piān-ngá-bín ê Ki-pí-a, jít í-keng lóh. ¹⁵In chiū oat-jít-khì, beh hioh tī Ki-pí-a; chiū jip-khì chē tī siâⁿ-lái ê koe-lō·; in-ūi bô lāng chiap-láp in jip chhù hioh-mī.

¹⁶Jít-àm ū chít ê lāu-lāng tui chhân--nih choè-kang tò-lái. I pún sī Í-hoat-liân soaⁿ-toē ê lāng, kià-kha tī Ki-pí-a; chóng-sī hit só·chāi ê lāng sī Piān-ngá-bín lāng. ¹⁷Lāu-lāng kiáh-bák khoàⁿ-kìⁿ lāng-khek tī siâⁿ-lái ê koe-lō·, chiū mng i kóng, Lí tui toh-lóh lái? beh khi toh-lóh? ¹⁸I in kóng, Goán tui Iū-tāi Pek-lī-hēng lái, beh khi Í-hoat-liân soaⁿ-toē hit-pēng; goá pún tī-hia, kè-khì Iū-tāi Pek-lī-hēng; taⁿ goá khi Iā-hō-hoa ê chhù; tī chia bô lāng chiap-láp goá jip i ê chhù; ¹⁹chóng-sī

goá ũ chháu ũ niû, thang hō· lû, iā ũ piáⁿ ũ chiú thang hō· pún-sin, kap lí ê lú-pī, kap tè lí ê lô·-pók ê siàu-liân lâng, lóng bô khiàm chít-hāng. ²⁰Lāu-lâng kóng, Goān lí pêng-an; lí só· khiàm-ēng-ê sī goá tãi; tók-tók lí m̄-thang tī koe-lō--nih kè-mī. ²¹Tùi án-ni chhoā in kàu i ê chhù, chhī i ê lû; in chiū soé-kha lim-chiáh.

²²In ê sim tú teh khoài-lók ê sī, siāⁿ-lāi hiah ê húi-lūi ũi-lūi i ê chhù, tit-tit phah-m̄ng, tùi chhù-chú lāu-lâng kóng, Lí chiong hit ê jíp lí ê chhù ê lâng toà--chhut-lâi, goán beh kap i kau-háp. ²³Hit ê chhù-chú chhut-lâi in hia, kā in kóng, Goá ê hiaⁿ-tī ah, m̄-thang, bôh-tit choè chit ê pháiⁿ; chit-lâng kì-jian jíp goá ê chhù, lín chiū bôh--tit choè chit ê kiàn-siàu ê sū. ²⁴Goá ũ cha-bó·-kiáⁿ, iáu sī chāi-sek-lú, koh ũ i ê soè-î; goá chhoā i chhut-lâi, lín thang lêng-jiók i, chhut-chāi lín ê ì-sù khoán-thāi in; tók-tók tùi chit-lâng lín m̄-thang kiāⁿ chit ê kiàn-siàu sū. ²⁵Chóng-sī hiah ê lâng m̄-thiaⁿ i ê oē; hit-lâng chiū chiong i ê soè-î khan chhut-khì goā-bīn kau in; in chiū kap i kau-háp, thông-mī lêng-jiók i; kàu chá-khí thiⁿ beh kng ê sī, chiaⁿ pàng i khi. ²⁶Thiⁿ phú-kng ê sī, hū-jîn-lâng lâi kàu i ê chú-lâng só· hioh hit ê chhù m̄ng-kháu, chiū tó tī-hia, tit-kàu thiⁿ-kng.

²⁷Thiⁿ-kng-chá i ê chú-lâng khí-lâi khui chhù ê m̄ng, chhut-khì beh khí-sin, khoàⁿ-kìⁿ hit ê hū-jîn-lâng, chiū-sī i ê soè-î, tó tī chhù m̄ng-kháu, n̄ng ki chhiú khoà tī hō·-tēng--nih; chiū kā hū-jîn-lâng kóng, Khí-lâi, lán beh khí-sin; chóng-sī i bô in; i chiū kā i hū tī lû ê téng-bīn, khí-sin khi i ê pún só·-chāi. ²⁹Kàu i ê chhù, chiū ēng to chiong i ê soè-î ê sin-si kap kut koah choè cháp-jī tè, chhe lâng thêh-khì thông Í-sek-liát ê choân-kéng. ³⁰Kìⁿ-nā khoàⁿ-kìⁿ ê lâng lóng kóng, Tùi Í-sek-liát lâng

chhut Ai-kíp ê jít, tit-kàu kin-á-jít, bē-bat án-ni kiāⁿ, iā bô khoàⁿ-kìⁿ; taⁿ lín tiòh siūⁿ, tiòh chham-siông, jiân-āu chiaⁿ kóng.

20 Tùi án-ni Í-sek-liát cheng-lâng tùi Tàn kàu Piát-sī-pa lóng chhut-lâi, kap tiàm tī Kì-liát ê lâng, choân-hoē chū-chíp chhin-chhiūⁿ chit-lâng, tī Bí-su-pa, kàu Iâ-hô-hoa ê bīn-cheng. ²Peh-siⁿ ê siú-léng kap Í-sek-liát cheng chi-phài lóng ka-kī lâi khiā tī Siông-tè peh-siⁿ ê hoē-tiong, kiáh-to ê pō·-peng kiông sì-cháp-bān. ³Piān-ngá-bín lâng lóng thiaⁿ-kìⁿ Í-sek-liát lâng chiūⁿ-kàu Bí-su-pa.) Í-sek-liát lâng chiū kóng, Chit ê pháiⁿ-tāi ê cheng-iū tiòh kā goán kóng-bēng. ⁴Hit ê Lī-bī lâng, chiū-sī siū hái-sí ê hū-jîn-lâng ê tiông-hu, in kóng, Goá kap goá ê soè-î kàu Piān-ngá-bín ê Kì-pí-a hioh-mī. ⁵Kì-pí-a lâng khí-lâi kong-kék goá, mī-sī pau-ūi goá hioh ê chhù, siūⁿ beh hāi-sí goá, koh kiông-kan goá ê soè-î, tī-kàu sí; ⁵goá chiū chiong goá ê soè-î koah kui-tè, chhe lâng thêh kàu Í-sek-liát tit-tiòh choè-giáp ê choân-toē; in-ūi in tī Í-sek-liát tiông kiāⁿ im-loān kap kiàn-siàu sū. ⁷Lín lóng-chóng Í-sek-liát lâng tiòh táⁿ-sng gī-lūn. ⁸Cheng peh-siⁿ lóng khí-lâi chhin-chhiūⁿ chit-lâng, kóng, Goán bô chit-lâng beh khi i ê pò·-pīⁿ, iā bô chit-lâng beh tò--khi i ê chhù; goán tùi Kì-pí-a lâng beh án-ni kiāⁿ; chiàu só· thiu ê chhiam khi kong-kek i; goán beh tī Í-sek-liát cheng chi-phài tiông, chit-pah lâng chú cháp-lâng, chit-chheng chú chit-pah, chit-bān chú chit-chheng, kā peh-siⁿ ũn-niû, hō· in kàu Piān-ngá-bín ê Kì-pí-a ê sī, thang chiàu in tī Í-sek-liát tiông só· kiāⁿ kiàn-siàu ê sū lâi kiāⁿ tī in. ¹¹Tùi án-ni Í-sek-liát cheng-lâng chū-chíp kong-kek hit ê siāⁿ, tãi-ke liân-háp chhin-chhiūⁿ chit-lâng.

¹²Í-sek-liát chiaⁿ ê chi-phài chhe lâng piàn-

piàn kā Piān-ngá-bín ê chi-phài kóng, Lín tiong-kan só· kiáⁿ ê, sím-mih pháiⁿ ah? ¹³Taⁿ lín tiòh chiong hiah ê lâng, chiū-sī Ki-pí-a ê húi-lūi, kau-chhut, goán thang hō· in sí, tùi Í-sek-liát tiong tū-khì hit ê pháiⁿ. chóng-sī Piān-ngá-bín lâng m̄-khéng thiaⁿ in hiaⁿ-tī Í-sek-liát lâng ê oē. ¹⁴Piān-ngá-bín lâng tùi in hiah ê siáⁿ chhut-lâi, chū-chíp kàu Ki-pí-a, beh kap Í-sek-liát lâng kau-chiàn. ¹⁵Hit-sī Piān-ngá-bín lâng, tùi ták ê siáⁿ tiám-chhut kiáh-to-ê, kiōng n̄ng-bān lāk-chheng, lēng-goā iáu ū Ki-pí-a lâng tiám-chhut chhit-pah cheng-liān ê peng. ¹⁶Tī cheng peh-siⁿ ê tiong-kan ū chhit-pah cheng-liān ê peng, koàn-liān ēng tò-chhiú-ê, ták-ê oē ēng soh hìⁿ chiòh, chún-chún hun-hô bô chha.

¹⁷Piān-ngá-bín lâng í-goā, tiám-chhut Í-sek-liát lâng kiáh-to-ê, kiōng sì-cháp bān, lóng sī chiàn-sū. ¹⁸Í-sek-liát lâng chiū khí-lâi, kàu Pek-ték-lī, m̄ng Siōng-tè kóng, Goán tiong-kan chi-chhiú tiòh tãi-seng chiūⁿ khi, kap Piān-ngá-bín lâng kau-chiàn ah? Iâ-hô-hoa kóng, Iū-tāi tiòh tãi-seng khi. ¹⁹Í-sek-liát thàu-chá khí-lâi, chat-iáⁿ kong-kek Ki-pí-a. ²⁰Í-sek-liát lâng chiū chhut-lâi, beh kap Piān-ngá-bín lâng kau-chiàn; Í-sek-liát lâng pài-tīn tī Ki-pí-a beh kong-kek in. ²¹Piān-ngá-bín lâng chiū tùi Ki-pí-a chhut-lâi, hit-jit thâi-sí Í-sek-liát lâng n̄ng-bān n̄ng-chheng, tó tī toē-nih. ²²Í-sek-liát lâng chiū ka-kī hūn-ióng, iū-goân tī thâu-chit-jit pài-tīn ê só·-chāi koh pài-tīn. ²³Í-sek-liát lâng chiūⁿ-khi, tī Iâ-hô-hoa ê bīn-chêng thi-khau kàu ê-hng; m̄ng Iâ-hô-hoa kóng, Goán tiòh koh chiūⁿ-khi kap goán ê hiaⁿ-tī Piān-ngá-bín lâng kau-chiàn á m̄-bián? Iâ-hô-hoa kóng, Tiòh chiūⁿ-khi kong-kek i.) ²⁴Tē-jī jít Í-sek-liát lâng chiū chìn-chêng khi kong-kek Piān-ngá-bín lâng.

²⁵Piān-ngá-bín lâng iā tī tē-jī jít tùi Ki-pí-a chhut-lâi, kong-kek in; koh thâi-sí Í-sek-liát lâng chit-bān poeh-chheng lâng, tó tī toē-nih, lóng sī kiáh-to-ê. ²⁶Í-sek-liát lâng kap cheng peh-siⁿ lóng chiūⁿ-khi kàu Pek-ték-lī, tī-hia chē tī Iâ-hô-hoa ê bīn-chêng thi-khau; hit-jit kìm-chiáh kàu jít-àm, koh tī Iâ-hô-hoa ê bīn-chêng hiàn sio-chē kap pēng-an-chē. ²⁷Hit-sī Siōng-tè ê iok-kūi tī-hia. A-lūn ê sun, Í-lī-a-sat ê kiáⁿ, Hui-nī-hap hit-sī khiā tī i ê bīn-chêng. ²⁸Í-sek-liát lâng m̄ng Iâ-hô-hoa kóng, goá tiòh chhut-khi kap goá ê hiaⁿ-tī Piān-ngá-bín lâng kau-chiàn mah? á-sī tiòh soah ah? Iâ-hô-hoa kóng, Lí tiòh chiūⁿ-khi, in-tūi bīn-á-jit Goá beh chiong in kau tī lí ê chhiú.

²⁹Í-sek-liát lâng chiū bài-hók peng tī Ki-pí-a ê sì-tūi. ³⁰Tē-saⁿ jít Í-sek-liát lâng koh chiūⁿ-khi kong-kek Piān-ngá-bín lâng, pài-liát tui-ngó· tī Ki-pí-a, kap cheng n̄ng-pái chit-iūⁿ. ³¹Piān-ngá-bín lâng chiū chhut-khi tí-ték peh-siⁿ, chiū siū ín-iú lī-khui siáⁿ; in chhìn-chhiūⁿ cheng n̄ng-pái tī chhân--nih khí-chhiú thâi-sí Í-sek-liát lâng iok-liók saⁿ-cháp-ê, tī toā-lō·-tég; hiah ê tiâu lō·, chit-tiâu thàng Pek-ték-lī, chit-tiâu thàng Ki-pí-a. ³²Piān-ngá-bín lâng kóng, In iū-goân thâi-su tī lán ê bīn-chêng. Í-sek-liát lâng, kóng, Lán tiòh tô-cháu, ín-iú in lī-khui siáⁿ kàu toā-lō·. ³³Í-sek-liát cheng-lâng lóng tùi i ê só·-chāi khí-lâi, pài-liát tui-ngó· tī Pa-lék-tha-má; Í-sek-liát bài-hók ê peng tùi in ê só·-chāi, chiū-sī Má-lī-ka-pa, chhiong--chhut-lâi. ³⁴Thong Í-sek-liát ū chit-bān cheng-liān ê peng, chìn-chêng lâi kong-kek Ki-pí-a, kau-chiàn ê sè-bīn chin béng-liát; chóng-sī Piān-ngá-bín lâng m̄-chai chai-ê kàu lah. ³⁵Iâ-hô-hoa phah Piān-ngá-bín tī Í-sek-liát ê bīn-chêng; hit-jit Í-sek-

liát lāng thāi-sí Piān-ngá-bín nng-bān gō·chheng chít-pah lāng, lóng sī kiáh-to-ê.

³⁶Piān-ngá-bín lāng chiah chai in ê siū-phah; in-ūi Í-sek-liát lāng thè-niū Piān-ngá-bín lāng, sī ūi-tiōh in óa-khò só· siat tī Ki-pí-a ê hók-peng. ³⁷Bāi-hók ê peng kín-kín chhoàn-jíp Ki-pí-a; bāi-hók ê peng chìn-chēng ēng to thāi-sí thong-siāⁿ ê lāng. ³⁸Í-sek-liát lāng kap hók-peng ū tāi-seng iok chít ê kì-hō, chiū-sī hō· hé-hun tui siāⁿ-lāi chhèng--khí-lāi. ³⁹Í-sek-liát lāng tng kau-chiàn ê sī óat-túg-sin; Piān-ngá-bín lāng khí-chhiú thāi-sí Í-sek-liát lāng, iok-liók saⁿ-cháp-ê, chiū kóng, In iū-goān chhin-chhiūⁿ chēng-pái thāi-su tī lán ê bīn-chēng. ⁴⁰Tng hé-iām chhin-chhiūⁿ ian-thiāu tui siāⁿ-tiòng chhèng--chiūⁿ-khì ê sī, Piān-ngá-bín lāng óat-thāu khoàⁿ, khoàⁿ-kìⁿ thong-siāⁿ ê hé-hun tú-thiⁿ. ⁴¹Í-sek-liát lāng koh óat-túg-sin; Piān-ngá-bín lāng chiū chin gōng-ngiáh, in-ūi khoàⁿ-kìⁿ chai-ê kàu lah. ⁴²Só·í in tī Í-sek-liát lāng ê bīn-chēng óat-túg-sin òng khòng-iá ê lō· tô-cháu; chóng-sī tui-jíp in chin óa, tui hiah ê siāⁿ chhut-lāi-ê in lóng thāi in tī hit tiòng-kan. ⁴³In ūi-khùn Piān-ngá-bín lāng, tui-jíp in, tī in hioh-kha ê só·chāi thún-tāh in, kàu Ki-pí-a ê tui-bīn, òng jít-chhut ê só·chāi. ⁴⁴Piān-ngá-bín lāng sí-ê, ū chít-bān poeh-chheng; chiah-ê lóng sī íóng-sū; kí-û ê lāng óat-túg-sin cháu-khì khòng-iá, kàu Līm-būn ê chiòh-poāⁿ. ⁴⁵Í-sek-liát lāng tī toā-lō--nih siu-síp in gō·chheng lāng, chhin-chhiūⁿ khiòh béh-seh chít-iūⁿ; koh tui-jíp in kàu Ki-tùn, thāi-sí in nng-chheng lāng. ⁴⁶Hit-jít Piān-ngá-bín lāng sí-ê, kiōng nng-bān gō·chheng lāng; hiah-ê lóng sī kiáh-to ê íóng-sū. ⁴⁷Tók-tók lāk-pah lāng óat-túg-sin cháu-khì khòng-iá, kàu Līm-būn ê chiòh-poāⁿ, chiū tiām tī Līm-būn ê chiòh-poāⁿ sì-géh-jít. ⁴⁸Í-

sek-liát lāng koh óat-túg kong-kek Piān-ngá-bín lāng, ēng to phah-sí chiah ê siāⁿ-tiòng ê lāng kap cheng-siⁿ, í-kíp it-chhè só· tú-tiòh-ê; koh it-chhè só· kàu ê siāⁿ lóng ēng hé sio.

21 Í-sek-liát lāng tī Bí-su-pa bat chiū-choā kóng, Goán tiòng-kan bô chít-lāng beh ēng cha-bó·kiáⁿ kè hō· Piān-ngá-bín lāng. ²Peh-siⁿ lâi kàu Pek-ték-lī, tī-hia chē tī Siōng-tè ê bīn-chēng, kàu ê-hng, chhut-siaⁿ toā thī-khàu; kóng, ³Iâ-hô-hoa Í-sek-liát ê Siōng-tè ah, kin-á-jít tī Í-sek-liát tiòng kiám chít chi-phài; Í-sek-liát tiòng siáⁿ-sū ū chít ê sū ah? ⁴Keh-jít thiⁿ-kng-chá peh-siⁿ khí-lāi, tī-hia khí chít chō toāⁿ, hiàn sio-chè kap pēng-an-chè. ⁵Í-sek-liát lāng kóng, Tī Í-sek-liát chēng chi-phài tiòng, chī-chui bô kap hoē-chiòng chiūⁿ-khì Iâ-hô-hoa hia? In-ūi in toā chiū-choā kóng, Kìⁿ-nā bô chiūⁿ Bí-su-pa kàu Iâ-hô-hoa ê bīn-chēng ê, tiòh hō· i sí. ⁶Í-sek-liát lāng ūi-tiòh in ê hiaⁿ-tī Piān-ngá-bín lāng thè-hoé, kóng, Kin-á-jít Í-sek-liát tiòng choát chít chi-phài lah. ⁷Lán í-keng kí Iâ-hô-hoa lâi chiū-choā, bô beh ēng cha-bó·kiáⁿ kè in, taⁿ chiū in só· chhun ê lāng, lán beh tui toh-lòh hō· in ū bó· ah? ⁸Koh kóng, Í-sek-liát chiah ê chi-phài tiòng, toh-lòh chít-ê bô chiūⁿ Bí-su-pa kàu Iâ-hô-hoa hia? In chiū chhâ-chhut Kì-liát-ngá-pí bô chít-lāng kàu iâⁿ-lāi hoē-chiòng hia. ⁹In-ūi tiám-sng peh-siⁿ ê sī, hiah ê khiá-khí tī Kì-liát-ngá-pí ê lāng, bô chít-ê tī-hia. ¹⁰Hoē-chiòng chiū chhe chít-bān nng-chheng toā-lát ê íóng-sū, hoan-hù in kóng, Lín khi ēng to thāi-sí khiá-khí tī Kì-liát-ngá-pí ê lāng, í-kíp hū-jìn-lāng gín-ná; ¹¹lín só· tiòh-kiáⁿ-ê chiū-sī án-ni; tiòh chiong it-chhè ê ta-po· lāng, kap hiah ê bat kap ta-po· lāng tâng-pāng ê cha-bó·lāng it-chhīn thāi-sí. ¹²In tī Kì-liát-ngá-pí lāng ê tiòng-kan tú-tiòh sì-pah ê bē

kap ta-po·lâng tâng-pâng ê chāi-sek-lú; chiū toà kàu Ka-lâm toē Sī-lô ê kun-iâⁿ.

¹³Choân-hoē chhe lâng kâ Lâm-bûn chiòh-poâⁿ ê Piân-ngá-bín lâng kóng, ēng hô-pêng ê oē pò in. ¹⁴Hit-sī Piân-ngá-bín lâng tò-lâi; Í-sek-liát lâng chiū chiong só· lâu hō· i oáh Kì-liát-ngá-pí ê cha-bó·-gín-ná kè hō· in; iáu-kú bô kàu-giáh. ¹⁵Peh-sìⁿ ūi-tiòh Piân-ngá-bín lâng chiū thè-hoé; in-ūi Iâ-hô-hoa hō· Í-sek-liát chi-phài khih chít-kak.

¹⁶Hoē-tiong ê tióng-ló kóng, Piân-ngá-bín tiong ê hū-lú í-keng châu-biát; taⁿ chiū in só· chhun ê lâng lán beh tùi toh-lóh hō· in ū bó· ah? ¹⁷Koh kóng, Piân-ngá-bín tô-cháu ê lâng iū-goân tiòh ū giáp hō· in, bián-tit Í-sek-liát tiong choát chít chi-phài. ¹⁸Chóng-sī lán boē-oē chiong ka-kī ê cha-bó·-gín-ná hō· in choè bó·; in-ūi Í-sek-liát lâng bat chiū-choā kóng, Ēng cha-bó·-kiáⁿ kè hō· Piân-ngá-bín lâng--ê, tiòh siū chiū-chó·. ¹⁹In koh kóng, Tī Lī-pho-ná ê lâm--sì, Pek-ték-lī ê pak--sì, chiū-sī tùi Pek-ték-lī khi Sī-kiám toā-lô· tang--sì ê Sī-lô, ták-nī ū Iâ-hô-hoa ê choeh-kī. ²⁰Chiū hoan-hù Piân-ngá-bín lâng kóng, Lín tiòh khi, bih tī phû-tô-hûng-tiong; ²¹nā khoàⁿ-kìⁿ Sī-lô ê cha-bó·-gín-ná chhut-lâi thiàu-bú, lín tiòh tùi phû-tô-hûng chhut-lâi, tī Sī-lô ê lú-chú-tuong ták-lâng chhiúⁿ chít-ê choè bó·, tò--khi Piân-ngá-bín toē. ²²In ê hū-heng nā lâi tùi goán kò-sò·, goán beh tùi in kóng, Chhiáⁿ lín toà-tiòh goán, lâi un-tián in; in-ūi chêng kau-chiàn ê sī, bô lâu cha-bó·-gín-ná hō· in ták-lâng choè-bó·; taⁿ iā m̄-sī lín hō· in; nā sī, lín chiū ū choē. ²³Piân-ngá-bín lâng chiū chiàu án-ni kiâⁿ, chiàu in ê lâng-giáh tùi thiàu-bú ê cha-bó·-gín-ná tiong só·-liáh-ê chhoā in choè-bó·, chiū tò--khi in pún-toē; koh khí siâⁿ lâi khiā-khi hia. ²⁴Hit-sī Í-sek-liát lâng lī-khui hia,

ták-lâng tò--khi in ê chi-phài, in ê chong-chók; tùi hia chhut-lâi ták-lâng tò-khi in pún-toē.

²⁵Tng hit-sī Í-sek-liát-tiong bô ông; ták-lâng chiàu i só· khoàⁿ-choè tiòh-ê lâi kiâⁿ.